

سرى للغاية

اجتماعات مجلس الرئاسة
القاهرة - قصر القبة فى ١٧ أكتوبر ١٩٦٢
(الاجتماع الخامس)

الحاضرون

الرئيس جمال عبد الناصر، عبد اللطيف البغدادى، عبد
الحكيم عامر، زكريا محى الدين، حسين الشافعى، كمال
الدين حسين.. نواب رئيس الجمهورية، أنور السادات،
حسن إبراهيم، على صبرى.. رئيس المجلس التنفيذى،
نور الدين طراف، أحمد عبده الشرباصى، كمال الدين
رفعت.

المحتويات

الصفحة

الموضوع

- ١ - السادات.. الموقف فى اليمن بعد زيارته له..
- ١ - كيف قامت الثورة
- ٤ - وضع القوات العسكرية المصرية فى اليمن مع تطور الثورة
- ٢٠ - ٢ - على صبرى.. العمل فى المجلس التنفيذى
- ٢٠ - مشاكل تصريف القطن
- ٢٨ - قواعد تصريف الأرز
- ٣٣ - قواعد العلاوات التشجيعية، وكيفية معالجة التقصير فى الجهاز الحكومى
- ٦٧-٥٥ - خطة الاصلاح للجهاز الادارى

سرى للغاية

قرارات مجلس الرئاسة

فى ١٧/١٠/١٩٦٢

استمع المجلس الى بيان من السيد أنور السادات عن الاتصالات التى تمت بينه وبين السيد عبد الله السلال والمسؤولين فى حكومة الثورة اليمنية، كما شرح للمجلس الأوضاع فى اليمن، التى يتضح منها أن الموقف أصبح مستقرا، بعد أن هُزمت القوات المعتدية فى شمال اليمن والمؤيدة بقوات سعودية وأردنية، وانسحابها الى ما وراء الحدود.

استمع المجلس الى بيان من رئيس المجلس التنفيذى عن الخطوات التى اتخذت فى موضوع تسويق القطن والأرز خلال الموسم الحالى، والمبادئ التى سيدرسها المجلس التنفيذى لخطة العام القادم فيما يختص بتسويق الحاصلات الزراعية.

بحث المجلس فى تنظيم لجنة التنظيم والادارة المنقرعة من مجلس الرئاسة، واستمع الى اقتراحات السيد زكريا محى الدين بشأن طريقة العمل واختصاصات اللجنة.

موافقة المجلس على انشاء جهاز للتنظيم والادارة والقوى العاملة، ووضع الخطط ومراقبة تنفيذها فى هذه المجالات.

الموافقة على بعض قرارات جمهورية ستعلن بعد تصديق رئيس الجمهورية عليها.

سرى للغاية

اجتماعات مجلس الرئاسة
القاهرة - قصر القبة فى ١٧ أكتوبر ١٩٦٢
(الاجتماع الخامس)

عبد الناصر: بداية.. عاوزين نستعرض الموقف فى اليمن.. اتفضل.

السادات: إحنا قومنا بزيارة لليمن فى يوم الجمعة الماضى. كان الواقع أساس الزيارة إنه كان دايما بتيجى منهم اشارات كانوا مبلبلين شوية وتعبانين، وبرغم إن الموقف كان هنا سليم وواضح مكانش فيه حاجة أبدا. فوصلنا وقابلنا السلال ويعنى على ما روحنا فى الواقع كان الموقف العسكرى بالنسبة لهم هم هو من الأول واضح وسليم، لكن بالنسبة لهم هم كان وضوح أكثر. هم طبعا كل مشكلتهم إنهم كانوا عاوزين طيارات من أول يوم.. من أول ساعة عاوزين طيارات علشان يضرىوا بيها القبائل.

مكانش متيسر إن الطيارات تروح؛ لأنه مافيش مدى توصل اليه الطيارات الللى هى الـ YAK المطلوبة للعمليات. وكان فيه - زى ما إنتو عارفين - الضرب بيحصل من هنا على صعدا، فعلى ما إحنا وصلنا كان ابتدى فعلا الموقف يتحسن بالنسبة لوضع الطيارات الللى هناك. الطيارات بتاعتهم الللى كانت بتتصلح خلاص فقدوا الأمل فيها، والطيارات بتاعتنا وصلت واتركبت وابتدوا يطلعوا بيها ويعملوا عمليات.

الوضع السياسى بالنسبة للثورة هناك.. السلال دخل الثورة فى الفجر، يعنى الثورة قامت بشلة ضباط صغيرين ملازمين كلهم الللى قاموا بهذه الثورة، وعلى رأسهم الضابط الللى مات الللى اسمه على عبد المغنى. لما لقي إن مافيش فايده، والبدر عمال بيعمل كل يوم تصريحات بزيادة أجور ومرتببات ووعود ومجلس تشريعى و.. و.. ملقاش حل إلا إنه يجى فى ليلة ويروح واخذ الضباط الصغيرين - الللى هم عبارة عن مدرسة الأسلحة فى صنعا - ويطلعوا وكلهم ملازمين. وطلع بالذخيرة الللى عندهم وحاصروا قصر البدر، وعلى ما جه الفجر كانت ذخيرتهم كلها خلصت، وكانت الثورة فشلت وانتهت. وانسحب على عبد المغنى هو وضباطه الى القشلاق علشان يدافعوا عن رقبتهم، واعتبروا إن الثورة انتهت.. فشلت.

فى هذا الوقت اتصل على عبد المغنى بالولد القائم أمين المحفوظات الللى فى السفارة بتاعتنا؛ صديقهم أوى يعنى، وفى الواقع الولد ده لعب دور كبير أوى أوى، فاتصل بيه. فقال: ماتروح للسلال يمكن يديكوا ذخيرة يعنى.

سرى للغاية

عبد المغنى من نفسه يعنى كان عملها عملية يأس يعنى إنه يروح للسلال، لكن مكانش عنده أمل إن السلال حيوافق.. فاتصل بالسلال. فى نفس الوقت اللي اتصل فيه بالسلال كان السلال جاله جواب من البدر بيقول له: إنه الضباط المحاصرين القصر دول إحنا مستعدين نتفاهم معاهم، بس خليه يوقفوا وتكلم وتتفاوض يعنى. فالبدر كان مرعوش والضباط كانوا مرعوشين، والعملية مش باينة.

فجه السلال راح فاتح لهم مخازن الذخيرة، اختار الحل التانى مع على عبد المغنى فتح مخازن الذخيرة، ومشيت الثورة.

فى أول يوم كان عندهم ذهول ماكانوش عارفين حاجة يعنى، الدبابات فيه عندهم أكثر من ١٠٠ دبابة لكن اللي شغال ٣ بس كان! وواحدة منهم حرقوها عند قصر البدر؛ لأن قصر البدر فى حارة، لما راحوا له لازم دبابة دبابة تخش. فالدبابة الأولانية دلقوا عليها جاز وحرقوها، راحوا راجعين الاتنين، والبدر هرب منهم. وفاهمين إنه حيطلع فى أى قبيلة.. أقرب قبائل لصنعا حيجيبها وييجى ياكلهم، خافين حتى من صنعا ذاتها؛ يعنى صنعا نفسها لو حست بادرة ضعف صغيرة فيهم حتقوم تاكلهم كلهم، فكان الوضع مايع خالص. فى هذه الأثناء جه اللي اسمه الفسيل وراح ماشى بعمليته فى محطة الاذاعة وفى التشكيل وفى كل حاجة، والجماعة مش دريانيين ولا حاسين بحاجة.

محي الدين: الخطة الأصلية يعنى مشيت ازاي؟

السادات: الخطة الأصلية كانت فعلا مخطط محطوط فى محطة الاذاعة علشان اذاعته، فهو خده ونقى اللي يعجبه منه وساب اللي معجبوش، ومشيت الثورة. طبعا مكانش فيه حد غيرنا إحنا ببساعدهم أو بيقدم لهم أى حاجة. وبعدين أنا رايح من هنا كنت فى فكرى إنه فيه عملية سياسية خطيرة بتجرى؛ إنه الجماعة بتوع البعث والحزبية والسياسيين القدامى والأحرار القدامى بيدقوا على إنه عبد الرحمن البيضانى ده مندوب مصر ولا المندوب السامى ولا!

الشافعى: مندوب القيادة.

سرى للغاية

السادات: المؤيد من مصر و.. و.. الى آخره، وإنه مصر عايزة تسيطر.. والكلام اللي احنا كنا سمعناه من سوريا وقرفنا منه!

فأنا كان فى فكرى وأنا رايح وكنت قلت للرئيس: إنه الحل الوحيد علشان ننقذ العملية على أساس إن أنا متصور إن الوضع له شكل تانى؛ إنه يعملوا ميثاق يمضوا عليه السياسيين كلهم ومجلس الثورة والقبائل وكله، ويحطوا فى هذا الميثاق أساس الحكم بتاعهم على إنه يكون حكم جماعى، وإن يكون فيه تنظيم سياسى واحد هو الاتحاد اليمنى، اللي كان بيكافح طول عمره فى البلد. وبذلك يتجنبوا إنه يحصل حاجة، ويحطو كل السياسيين فى مجلس ادارة الاتحاد اليمنى اللي هو التشكيل السياسى.

بعد كده أى واحد يخرج عن التنظيم السياسى يبقى ضد البلد.. ضد الميثاق. فأنا لما وصلت هناك واتكلمت ويا عبد الرحمن قبل ما أكلم السلال فى هذا الموضوع، فقال لى: مافيش ما يدعو لهذا أبدا لأن السلال عاوز يحكم فعلا، يعنى الراجل بيقول: أنا قمت بالثورة والضباط معايا اللي قاموا بيها، بنحس إن السياسيين دول ناس حيلعبوا بالبلد وحيضللونا. وإحنا ناس فهمنا قليل والبلد فهمها قليل ودول حيعرقوا البلد، وإحنا محتاجين لفترة انتقال - زى ما إنتو عملتو فى مصر - محتاجين لفترة انتقال، ويمكن عندهم أكثر مما كان عندنا؛ لأن هم بيتنقلوا من حاله لحالة. فالسلال عاوز يحكم، وحتى ممتنع إنه يجمع مجلس الثورة أو يجمع مجلس الوزراء، والراجل عاوز يتولى تنظيف العملية كلها قبل ما بيتدى يعمل أجهزة حكم نيابية أو كلام من ده.

وعليه مكاش فيه بقى محل إن أنا أفتح موضوع الميثاق مع السلال؛ لأنى لما قعدت أتكلم وياه شرح لى نظريته دى؛ إنه لازم يحصل فترة انتقال عندهم، والأفكار مبلبلية والطلبة حتى اللي ببيجوا من بره اللي فيهم الشيوعى وفيهم البعثى، بيجوا كلهم وكل واحد فيهم عاوز يعمل زعيم، والبلاد حتنقسم على نفسها فى حين أن الشعب كله فعلا مؤيد للثورة وماشى وياهم. وعلى ذلك رسى فعلا على أنه حيعمل فترة انتقال ٥ سنين لدستور مؤقت، وحيطلع يعلنوه رئيس جمهورية - اللي هو مجلس الثورة يعنى - وحيعيد تشكيل مجلس الثورة ويعيد تشكيل الوزارة؛ بحيث إنه يتجنب الأخطاء اللي وقعت فى أول يوم.

الأخطاء اللي وقعت فى أول يوم، اللي بقاياها هم اللي بيبعدهم دلوقتى؛ كل دول دى أخطاء أول يوم لأنهم اتعينوا فى مناصب حساسة، وأذيع عنهم وخلص. ومحدث كان قادر يصلح حاجة، فى التشكيل بقى اللي حيعمله بعد اعلان فترة الانتقال ومجلس الثورة الجديد والوزارة الجديدة حيكمل على بقية الأخطاء اللي حصلت؛ اللي من ضمنها محسن العينى - اللي هو وزير الخارجية - حيعينوه سفير وحيعيدوا تشكيل الحكومة من أول جديد ومجلس الثورة من أول جديد.

سرى للغاية

من ناحية شخصية السلال بالذات، رجل بسيط جدا وساذج جدا وخطه مستقيم.. خطه واضح جدا ومستقيم مافيش التواء أبدا. وفي ذهنه واضحة حتى فى خطبه، من خطبه الواحد يقدر يعرف طريقة تفكيره بيقول: يعنى إحنا الجمهورية العربية بتدينا مساعدة، طب.. ما إحنا ياريت الأردن ولأ السعودية يدونا مساعدة مايعملوش علينا عدوان، وإحنا مانرفض إحنا عاوزين مساعدة من أى حد. ايمانه بعملية القومية العربية وبيننا هنا فى الواقع ايمان لا يتزعزع واضح، وواضح أنه ايمان تلقائى يعنى ماهوش مفتعل أو مش علشان موقف أو حاجة. الراجل ساذج وبسيط وايمانه واضح فى كلامه وفى طريقة سيره حتى وفى خطة العمل بتاعته.

من جميع الوجوه مافيش أى خوف من السلال بالذات يعنى كقائد لهذه الثورة، مؤكد الانسان ما يخشاش على الخط العربى أو ما يخشاش من انحراف أو أى حاجة تحصل مضاعفات فى المستقبل.

وضع قواتنا هناك: الحقيقة يعنى الناس معجبة جدا بيها وبيحبوهم، ومافيش أى نعمة من النعمات اللى احنا سمعناها دى اللى أنا كنت متصور إنها نعمة كبيرة. دى مش موجودة أبدا إلا عند السياسيين اللى هم أمثال محسن العينى والطلبة اللى خدهم وياه من هنا، وبعض البعثيين اللى موجودين هناك اللى هم فى التصفية كلهم بيطلعهم بره اليمن، أو بعض الهاشميين اللى انضروا وطلعوا.

من ناحية قواتنا العسكرية هناك، يعنى حقيقة أنا قلت للريس وقلت لعبد الحكيم أيضا: شئ مشرف جدا جدا للغاية وشئ بيعت على الفخر صحيح إن الواحد يروح ويشوف قواتنا بهذه الروح العالية، وبالنظام وأداء الخدمة وفهم للمأمورية اللى هم رايعين لها ومستوى من الكفاءة. يعنى الواحد يمكن الأفلام اللى كنا بنشوفها عن الحرب الثانية وبيعلموا لها بقى بروفات وتمثليات، الواحد شاف هناك أحسن منها.. أحسن من اللى بيعلموا لها بروفات حقيقة يعنى على الطبيعة وعلى الواقع؛ سواء من ناحية قوات الجيش أو من ناحية الطيران. والوضع كله سليم ومافيش أى حاجة أبدا، ولكن العملية محتاجة ليقظة بالنسبة للمستقبل، ليه؟ لأنه قبل ما أمشى من هناك بـ ٥ دقائق بالضبط وصل واحد من المنطقة الشافعية، بيمثل الشافعيين كلهم اللى هم عبارة عن ثلاث أرباع البلد، وقال: إنه بيبلغنى رساله عن القسم الشافعى بأكمله علشان أبلغها للرئيس، وهى أنه لن يأمن الشافعيين على أنفسهم مع الزيدية إلا بالاتحاد الفيدرالى مع مصر؛ وعلى ذلك فده مطلب رئيسى وأساسى أنه لا بد أن يتم الاتحاد الفيدرالى.

سرى للغاية

الشافعى: هل هناك قلق اذا كانوا يعنى هم.. خوفهم كمان من الزيود؛ لأنهم هم اللى كانوا فى السلطة وكان منهم الامام، لكن دلوقتى يعنى هم أغلبية ليه برضه لسه يعنى مجال الرعب موجود؟!!

السادات: لا.. الثورة لما فسيل قام فى أول يوم، جميع التشكيلات اللى طلعتها طلعتها زيدية كلها، فى الوقت اللى كان قايم بالثورة فعلا معانا هنا، ونقل الأسلحة واستلموا الفلوس وعملوا كل المجهود كلهم شافعية.. كلهم اللى جم طول الصيف، واللى عرضوا أنفسهم واللى بينقلوا لعدن من عدن لجوه، وفى كل هذه المخاطر، واللى استلم واللى عمل الخطة بالكامل، واللى راح وزع الخطة فى صنعا وتعز والحديدة كلهم شافعية؛ فبصوا لقوا فى أول تشكيل مافيش شافعية خالص!

ليه؟ النغمة القديمة لسه موجودة؛ يعنى علشان أقربها ليكوا شوية حاولوا يعملوا حرس وطنى فى صنعا علشان يحرسوا السلال ويحرسوا الناس اللى موجودين، فحصل اقتراح.. واحد اقترح إنه نجيب شوية من تعز ونمرنهم - اللى هم من الشافعية - ونمرنهم ونقدهم؛ فجميع ضباط القيادة مجلس الثورة فى نفس واحد رفضوا، ليه؟ لأن الشوافع مش رجالة! العملية دى عندهم مش لأن الشوافع مش رجالة صحيح لا.. العملية دى موجوده تحكم قديم موجود من أكثر من ألف سنة؛ إن الحكام هم الزيود والرجالة هم الزيود، أما الشوافع التلات أرباع دول ماهماش رجالة!

فالعملية موجودة وقديمة، وسر بقى متاعنا كلها فى المستقبل حتطلع من هذه النقطة بالذات اللى هى زيود وشوافع؛ لأن الزيود اذا مكنوا الشافعية بشكل أو بخلافه إن هم ياخذوا حقهم، الزيود لن يرتاحوا وحيكون هجومهم كله علينا إحنا مش على الشوافع؛ طبعا لأنه ميقدروش يقولوا وحدة الأمة. الهجوم اللى على عبد الرحمن البيضانى أساسه كله لأن عبد الرحمن شافعى، ولأن الشوافع حطوا عبد الرحمن - ودى نقطة برضه كنت عاوز أقول لكم عليها - اللى هى كونه بقى نائب قائد ونائب رئيس وزارة فجأه بجميع صلاحيات رئيس الوزارة وصلاحيات القائد. أنا سألته فيها وقلت له: إنها مش مبلوعة يعنى علشان يفسرها لنا ايه العملية دى؛ لأن دى يمكن تجيب علينا إحنا غبار.

فاللى حصل إن الشوافع لما لقوا إن العملية طلعت الثورة فى هذا الشكل، رفضوا يروحوا لصنعا، والى يومنا هذا رافضين أعضاء مجلس الثورة والوزراء الشوافع إنهم يدخلوا صنعا.. الى يومنا هذا. وبعدين بعنوا للسلال مندوب ببسأله بيقول له سؤال عن القسم الشافعى، وعلشان القسم الشافعى يحدد موقفه من الثورة، ما هو السبب فى إن المخطط اللى متفق عليه لم ينفذ؟ السلال لما سمع هذا السؤال ما قدرش يرد عليه؛ لأنه السلال عارف دوره فى الخطة صحيح لكن المخطط بأكملة مكانش عنده.

سرى للغاية

فى نفس هذا اليوم اللى الشوافع وصلوا بيقولوا له هذا الكلام، كان عبد الرحمن البيضانى وصل وراح له عبد الرحمن اجتمع بيه، وقال له وبلغه الكلام اللى احنا قلنا له هنا فى مصر؛ بالنسبة لمساعدتهم والمساعدات اللى احنا حنقدها أو الطريقة اللى حنقدهم بيها و.. و.. الى أخره. وبعدين بحث وياه مسألة المخطط القديم، وقال له: فيه انحراف حصل؛ المخطط القديم متفق على أوضاع معينة، اللى حصل طلعت أوضاع مختلفة عن اللى متفق عليه. فتانى يوم السلال لما سمع الكلام ده من عبد الرحمن ومن الشافعية.. تانى يوم اجتمع بعبد الرحمن، وبعثوا جابوا المخطط اللى موجود من قبل الثورة، لاقوه فين؟ لاقوه فى محطة الاذاعة جاهز كان علشان يذاع، فوجدوا إنه مافيش حاجة من ثلاث أرباع اللى تم مخالف للمخطط.

المخطط فيه عبد الرحمن البيضانى رئيس لمجلس الثورة ورئيس لمجلس الوزراء، وهذا المخطط هم اللى باعته من جوه، إحنا ماعملنا هوش فى مصر تجنبا إن إحنا ندخل فى هذا. وأنا بعث لهم وقلت لهم: الخطة اللى إنتو عايزنها إبعثوها لنا وإتفقوا عليها فى صنعا وتعز والحديدة، وإحنا مستعدين نقول لكم ايه اللى حنعمله. فالمخطط جاى من عندهم، فلما وصل المخطط من محطة الاذاعة وقرأه السلال، وجدوا فيه إنه عبد الرحمن كذا وكذا والوزراء كذا ومجلس الثورة كذا؛ كل شئ محطوط، والبيانات اللى تذاع بالترتيب واحد واثنين وثلاثة وأربعة.

فالشافعية قالوا: إحنا متمسكين بالمخطط، عبد الرحمن البيضانى قال: مش ممكن ده أمر واقع، الراجل بقى اللى قام بالثورة السلال يعنى كيف يشيلوه من محله ويحطوا عبد الرحمن البيضانى مكانه اللى جاى من القاهرة رئيس لمجلس الثورة؟! قال: ده لا.. ده أمر يستحيل! فقالوا طب ياخذ المركز التانى اللى بعد السلال على طول بقوة السلال. علشان كده طلع مرسوم غريب إنه نائب للقائد - نائب للسلال - فى كله.. فى قيادة فى وزارة فى أى حاجة بصلاحيات السلال. طلع المرسوم إنه بصلاحياته فى كل حتل العملية الشافعية، لكن العملية الشافعية ماتحلنش لأنه زى ما قلت لكم: فى آخر خمس دقائق باعته لى مندوب. وبعدين ده جاتلى برقية بعد ما وصل المندوب الرئيسى التانى بتاعهم - وصل كنت أنا مشيت بقالى خمس دقائق - علشان يؤكدوا هذا المعنى.. إنه الشوافع فى ظل الزيود حيتعبوا ومايقدروش يمشوا، وإنه لابد من الاتحاد الفيدرالى للإبقاء على وحدة اليمن.. ده الموقف.

الشرباصى: هو البيضانى مش هو نائب رئيس الثورة وهو يمثل الشوافع؛ يبقى هم كانوا عاوزينه أكثر من كده!؟

سرى للغاية

السادات: لا.. هم كانوا متمسكين بالمخطط نتيجة لأن اللي طلع حسوا إن فيه لعبة حصلت.

الشرباصى: بس هي الظروف اللي كانت..

السادات: هم شاكين والى يومنا هذا شاكين، ولم يذهب أعضاء مجلس الثورة ولا الوزراء الى صنعا لغاية دلوقتي.

الشرباصى: هو السلال من الزيود؟

السادات: السلال زيدى.

صبرى: طب إنت تعتقد إنه هيبقى فيه صراع بين السلال وبين البيضانى؟

السادات: لأ.. اطلاقا.. لا اطلاقا من هذه الناحية لأ أبدا مش حيكون فيه أبدا؛ لأن عبد الرحمن عارف وضعه تماما وفاهم إن إحنا بنؤيد السلال. أنا قلت له: السلال قائد الثورة وإحنا حنؤيد السلال كقائد للثورة؛ لأنه خلاص بقى وضع انتهى. وبعدين السلال أحسن ضابط موجود فى صنعا علشان يمسك هذه الثورة النهارده أو فى اليمن كلها، يعنى اللي قدامه الجايفى اللي هو المفروض إن هو بيبقى بديل للسلال أو كان ممكن يكون رئيس للسلال، وفيه مساعى لهذا من بعض الضباط؛ فيه عمليات بنتم لهذا علشان كده السلال عايز يصفى. هذا الجايفى متردد وآخر الثورة أكثر من عشر سنين، وعلى ايدى أنا شخصيا بعت لى أكثر من رسالة كلها تخريف وكلها عمليات لو أخذ بيها كانت الثورة ماقامتش. وبعدين شخصيته انتهازى، ويقال: إنه من عينة عبد الكريم قاسم بالذات؛ فمافيش يعنى فى الواقع انسان إن إحنا ممكن نقف وراه غير السلال، من ناحية الصراع بينه وبين عبد الرحمن ده منتقى خالص.

محي الدين: دور السلال فى المخطط ايه؟

السادات: فى المخطط الرئيسى دور السلال كان قائد عام للقوات المسلحة.

سرى للغاية

محي الدين: وهو كان يعلم هذا؟

السادات: ويعلم هذا ويعلم جزء كبير من المخطط، وما تكلمش على الرغم إنه كان رئيس حرس البدر.

محي الدين: وبعدين هو عين نفسه رئيس للوزارة!

السادات: وبعدين..

محي الدين: النتيجة لصرف الذخيرة.

السادات: بالضبط.. نتيجة الأزمة اللي حصلت في الفجر عين نفسه قائد للثورة.

محي الدين: ماكانش متفق عليه إنه يقوم مع الولاد، إلا إنه يستنى لغاية ما الولاد يخلصوا العملية.

السادات: لا.. كان متفق ويقوم ويمسك البدر ويقتله.. دوره في المخطط..

محي الدين: ماقامش.

السادات: يقوم ويمسك البدر ويقتله.. هو اللي عليه قتل البدر.

محي الدين: هو ماقامش؟

السادات: في المخطط ماقامش.

الشافعي: أمال الضابط التاني اللي هو كان المفروض يقوم بالعملية دي؟

سرى للغاية

السادات: على عبد المغنى.

الشافعى: لا.. اللى ضرب وانضرب ده .

صوت: السكرى.

السادات: لا.. ده الضباط بتاعت على عبد المغنى اللى هم منفيين.. دول المنفيين.

الشافعى: آه.

السادات: يعنى دول مش الرئيسيين فى العملية؟

الشافعى: لا.. بالنسبة لقتل البدر بالذات يعنى.

السادات: آه.. قتل البدر، ما هو علشان - زى ما بيقول زكريا - علشان السلال ماخذش دوره فى الخطة؛ فعلى عبد المغنى استغنى عن دور السلال بأنه يدخل ضباط تقتل البدر جوه.

الشافعى: آه.

السادات: انما كان المفروض السلال هو رئيس حرسه، هو اللى متولى القضاء على البدر فى المخطط الأسمى.

البغدادى: ايه الموقف فى سعدا؟

السادات: ده حكيم يعرفه أكثر منى الحقيقة.

سرى للغاية

محي الدين: يعنى مجموعة الضباط الللى تبع على عبد المغنى..

السادات: أيوه.

محي الدين: بيقلوا حوالى ٨٠ ضابط.. حاجة زى كده.

السادات: أيوه.

محي الدين: دول كلهم شوافع؟

السادات: لأ.. مافيش فى الجيش اليمنى ضابط أو عسكري شافعى، كلهم زيود.

محي الدين: يعنى الثورة قامت على أكتاف الزيود مش على أكتاف الشوافع.

السادات: الزيود.. كلها زيود كلها.

محي الدين: طب ليه يبقى الشوافع يبقى رئيس وزارة والكلام ده يعنى؟

السادات: لأ.. المخطط اتحط على أساس إنه المناصب بالنص؛ لأنه الزيود ما بيرضوش إلا إنهم يكونوا حكام. وبعدين الشافعية كون إن مافيش ولا عسكري ولا ضابط منهم فى الجيش.. ده وضع يعنى..

الشافعى: مش ذنبهم يعنى.

السادات: مش ذنبهم.. مش هم الللى عملوه. فوضع المخطط على أساس إنه المناصب مقسومة نصين بالضبط؛ مجلس الثورة نصين ومجلس الوزراء نصين، علما بأن الزيود ربع والشوافع ثلاثة أرباع انما وضع المخطط كده، وبعدين الناس الللى اشتغلت ونفذت الخطة بالكامل من هنا ونقلت..

سرى للغاية

الشافعى: من بره يعنى.

السادات: وقامت.. ونقلت من بره لجوه شوافع كلهم. وبعدين عايزين ياخدوا فرصتهم النهارده إنه يبقى فيه منهم عسكري فى الجيش وضابط فى الجيش.
وبعدين النقطة الثانية.. إنه كجيش يمنى يعنى إحنا رحنا وشوفنا وسمعنا منهم، مافيش حاجة اسمها جيش يمنى.. مافيش حاجة خالص لا عساكر ولا ضباط اطلاقاً! مافيش حاجة يعنى وحكيم يمكن لامس دى أكثر منى.

محي الدين: الأعداد اللي شوفتوها فى صنعا كانت يعنى ايه..

السادات: الشعب..

محي الدين: يدل على إنهم يعنى..

السادات: الشعب والقبائل جت، وإحنا هناك والمؤتمر الشعبى.

محي الدين: قبائل من بره يعنى؟

السادات: قبائل من بره الشعب والناس ماشيين لسبب واحد إنه فى أول يوم راحوا قاتلين ١٣ أو ١٤، ولولا هذا كانت صنعا كلهم الشعب هناك مافيش. وبعدين الجمهورية مشيت.. لا الجمهورية مشيت خلاص.. الجمهورية مشيت خلاص.

طراف: السلال بيتمتع بمكانه عند القبائل؟ مكانة شخصية يعنى لأن دى مسألة مهمة.

السادات: فى الشعب وفى القبائل وفى الجيش.

طراف: يعنى له المكانة يعنى اللي تغنى عن مكانه الامام مثلاً؟

سرى للغاية

السادات: لا متعنيش؛ لأن لسه ١١٠٠ سنة ظل الامام والقداسة لسه موجود، لكن كونه بيتمتع بمكانة فى الجيش وفى الشعب وفى القبائل ده سليم.. ده حقيقى يعنى.

محي الدين: الموقف المالى والنية فى تشكيل جهاز حكم؟

السادات: ده اللى من المواقف اللى برضه السلال عاوز يحلها عن طريق إنه يحكم. مافيش فى البلد لا حكومة ولا تخطيط لحكومة ولا مالية ولا تخطيط لمالية، ولا فكرة عن أى شئ فى هذا العالم أبدا دول فى القرن العاشر بالضبط! فهو عاوز ياخذ سلطات مطلقة علشان يستطيع إنه يبندى ينشئ جهاز حكومة. علشان كده بيلحوا فى إنه خبير لكل وزارة على الأقل من هنا يروح وينشئ الوزارات. وبعدين عاوز مايجبش حد من بره من المتعلمين اليمنيين اللى هم مسار المتاعب دلوقتى، إلا على وظيفة يعنى بعد ما يقعد الخير ويخطط وعازب وأنشئت وظيفة بيعت يجيب لها واحد وينقيه من اللى بره؛ علشان بييجى يشتغل ما يقعدش يشتغل سياسى فى البلد.. العملية حتاخذ وقت طويل أوى.

محي الدين: احتمالات الميزانية النقدية، فيه قدرة مالية النهارده مثلا عن طريق الضرائب والجمارك النهارده ممكن يبقى فيه ميزانية فى البلد بعد مثلا سنة؟

السادات: لا يسووا نفسهم.

محي الدين: على البلاطة؟

السادات: لا.. ممكن أوى ممكن أوى.

عامر: لا.. عندهم.

محي الدين: قطعاً الامام كان بيحصل ضرائب.

السادات: كان بيحصل ضرائب شنيعة.

سرى للغاية

محي الدين: هو كان بيحصل ضرائب؟

السادات: آه.. هو كان بياخد وكان بيحصل ضرائب شنيعة؛ يعنى كان بياخد على الفرد أكثر من عشر ضرائب! بس موارد البلد والمشاريع اللي عاملها عبد الرحمن بناء على دراسة سابقة طويلة؛ يعنى فى سنة واثنين حيكون وضعهم كويس أوى أوى لأن عندهم بيعتمد على الزراعة والمياه موجودة والأرض موجودة.

محي الدين: هل طلبوا طلبات من الجمهورية؟

السادات: مافيش حاجة أبدا أكثر من إنهم يعنى مافيش هناك لا جيش ولا سلاح! (ضحك)

الشرباصى: كل حاجة يعنى؟

السادات: ولا سياسة ولا حاجة، وعايزين مننا جيش وسلاح وسياسة وأكل وشعب وخبراء وكل حاجة! (ضحك)

البغدادى: مافيش حاجة ما طلبوهاش!

فيه موقف تونس من العملية فى اليمن.

السادات: آه.

صبرى: اعترفت.

البغدادى: واعتراف زى ما فهمت معرفش ده صحيح ولا لا، إن هم مستعدين يقدموا مساعدات يعنى عاوزين يحطوا رجليهم هناك!

السادات: آه.

سرى للغاية

البغدادى: هل فيه معلومات؟

صبرى: هو فيه طلب من تونس بعقد..

السادات: اجتماع.

صبرى: اجتماع ما بين الدول اللي اعترفت باليمن؛ لتنسيق أو لعمل مشترك فى معونات عينية وما الى ذلك. وبعدين إحنا قلنا: مافيش مانع من حيث المبدأ. الهدف من هذا محدش عارف فيه أحد أمرين؛ يإما هو بياخد هذا الموقف نكاية فى الحسن، برضه جمهورية ضد ملكية وبيعتبر إن دى عملية الحسن..

السادات: المغرب..

صبرى: يعنى عملية..

محي الدين: نكاية فيه.

صبرى: يعنى عملية خطوة فى اتجاه تحطيم الحسن؛ يإما ده مكسب داخلى شعبى على طريقة بورقبيبة طبعا.

حسين: والله أنا رأيت كده يعنى إن هم مش عايزين الجمهورية العربية تتفرد.

صبرى: أو يكون هو مزقوق بواسطة الأمريكان.

حسين: الأمريكان؟

صبرى: ده الأرجح.

حسين: ينتظر الحوادث اللي تحصل.

سرى للغاية

عامر: الموقف فى منطقة صعدا: المنطقة شمال صعدا لسه المعلومات فيها مش معروفة، شمال صعدا أد ايه القبائل دى مش معروفة. المنطقة بقى المعادية دلوقتى منطقة جبل مأرب.

الشرباصى: دول الشوافع؟

السادات: لأ.

عامر: لا زيود.

السادات: مافيش شوافع أبدا فى المنطقة دى.

صوت: فيه منطقة بقى شمال مأرب بحوالى ٧٠ - ٨٠ كيلومتر، المنطقة دى فيها قبائل معادية والقبائل بتتجمع، حسب معلوماتنا امبارح برضه انضريت. دول المنطقتين المعاديتين.. مأرب ومعبر ودول بالكثير على بعد بكره.. سعود حاسس بالعجز فى العملية كلها، باعتين أسلحة مستوردين شوية أسلحة مضادة للطائرات ومعها ذخيرة مضادة للدبابات! (ضحك)

أصوات: (ضحك)

عامر: لكن وبعدين فيه اشارات بالليل إنه عاوزين يلعبوا أو حاجة زى كده، أنا باعتقد إن حسين يعنى عاوز يدخل.

السادات: عاوز يضرب ويستعمل الطيران.

عامر: وسعود برضه لو لقي فرصة، لكن بعد القوة بتاعتنا ماوصلت كلها دلوقتى.. يعنى وصل من عندنا كل المظلات والصاعقة.. وصلوا آخر دفعة امبارح.

عبد الناصر: لوائين.

سرى للغاية

عامر: لوائين، وبعدين الحقيقة قررت أبعث له لواء مشاه تانى بحط جزء من القوة فى الحديد من المظلات والصاعقة؛ هم دول القوات اللى حتتحرك لتضرب. هو اتحرك جزء منهم النهارده بالطيارة، اتحرك بالمركب أول امبارح جزء وبعدين التحركات الثانية حتتحرك القوات كلهم. من ناحية الطيران فيه طيارات YAK..

محي الدين: YAK يعنى.

عبد الناصر: صلحهم يعنى؟

السادات: لا.. ده كله من عندنا، اللى من عندهم باظ.

عامر: الست طيارات اتركب منهم أربعة وركبوا الاتنين التانيين، الاتنين التانيين برضه بكره فى المراكب فيعنى على برضه ما الضباط الطيارين ياخدوهم ويشغلوا .

حسين: يضربوا بالصواريخ؟

السادات: فعال بشكل عنيف.

عامر: وبعدين طيارتين اليوشن بيشتغل كويس بيشتغل كويس جدا.

طراف: الجنوب مافيهش حاجة؟

السادات: بيخشوا من ناحية سعود.

عامر: يعنى صنعا كده يعنى ناس كويسين أوى.. طبيعة كلامهم ومشيتهم تختلف.

السادات: الساحل كل ده الساحل لأنه كله شوافع.

سرى للغاية

محي الدين: الحشود القديمة اللي كانت عند نجران دلوقتى يعنى..

عامر: هي اللي موجودة فى نجران لكن مايفيش حشود ذات قيمة موجودة.

محي الدين: فيه موضوع الاستكشاف فوق السعودية بيتنشر الكلام ده.

عامر: بيعملوا ايه؟

محي الدين: لا.. استكشاف.

السادات: الطيران.

محي الدين: هو رايح نجران، عكس هو رايح على جدة.

عامر: من هنا؟

محي الدين: منين مايمرش على هنا؟

عامر: يمر.

محي الدين: يمر فوق البحر يعنى.

السادات: وأنا مسافر الـ COURTS من أسوان لصنعا فوتتا فوق جيزان.

الشافعى: جيزان؟

السادات: منطقة ضخمة فى السعودية علشان نخش على صنعا، والرجوع نفس الشئ وراجعين الصبح.

سرى للغاية

عبد الناصر: برضه اللي سمعنا عنهم إن الـ ٥ طيارات..

صوت: طيارات قتالية.

محي الدين: مافيش غير أربع طيارات أو خمس طيارات اللي جت الأردن وقتلحتقتل.

عامر: لالا.. لالا.. جايز ٥ طيارات.

الشافعي: نجران.

عامر: لا.. لا.. جده، وفيه أربع طيارات مقاتلة يعنى العملية أصلها..

السادات: تطمين يعنى.

صبرى: بس كان فيه برقية النهارده أظن من حسين أو حاجة زي كده، إنه عايز يقطع مدينة صعدا وصنعا، فهل ممكن؟

السادات: هي المنطقة بالفعل مقطعة ليه؟ لأنها جبال وهيئات في غاية الصعوبة زي شغل أمريكا زمان؛ إنك بتعمل قلاع في قلب حجه وصعدا في الوسط، أي انسان ممكن يقطع أي حاجة ولا يجديش الكلام ده كله لأنه بطيارة تنزل كده عليهم.

الشافعي: مش مثلا طريق محدد ممكن يعنى؟

السادات: لا.. مايبقاش عملية عسكرية حاسمة إن يفصلوا جزء عن جزء.. متحصلش دي.

عامر: سهل العملية دي اللي هي شمال صعدا.

سرى للغاية

حسين: عندنا فيه خسائر؟

السادات: لا.. ما عندناش خسائر.. ببسأل على خسائر عندنا ما فيش حاجة خالص.

محي الدين: هو كان فيه شوية اشاعات..

عامر: فين؟

محي الدين: في البلاد إن بالنسبة للمستشفيات العسكرية مليانة بالجرحى يعني كلام يعني.

عامر: لازم يبقى فيه خسائر.

السادات: جايز تحصل معركة بعد كده.

رفعت: بقتراح يعني لتغطية العملية إن إحنا نعلن إن فيه متطوعين عايزين يروحوا هناك، وفتح باب التطوع.

عامر: ومن امتى هذا الكلام؟

رفعت: من أسبوعين صرحت يعني الحقيقة..

عامر: عملية عاوزة يعني..

رفعت: لا.. هي مش شرط تنفذ.

عامر: لا.. لا.. هي ممكن يعني صورية.

رفعت: آه.

سرى للغاية

عامر: يعنى مكتب معين.. اتحاد الطلبة اتحاد العمال ممكن.. ممكن يعنى.

الشافعى: لتغطية معركة الدعاية.

رفعت: يعنى حتى لو حصلت خسائر بعد كده ربط من نواحي مختلفة يعنى.

صبرى: فى الأسبوع اللي فات الحقيقة اتكلمنا فى المجلس التنفيذى، حاولت أن أطبق نفس النظام اللي بيسرى فى مجلس الرئاسة؛ وهو إنه يحصل أساسا اجتماع يعنى مواضيع عامة وتناقش، وبعدين بنبص لجدول الأعمال على أساس ننتقل الى مرحلة جديدة، من إن القرارات بتبقى حاجة ثانوية فى الواقع ومناقشة السياسة العامة تبقى أهم حاجة. فيه ٣ مواضيع رئيسية أثرت..

الموضوع الأولانى: كان خاص بتصريف القطن؛ لأنه موضوع عاجل والحالة الحقيقة برضه لازالت فى تصريف القطن ماهياش على مايرام. وبعدين بعد فتح باب المناقشة وتبادل الآراء - يعنى تقريبا أجمعت الآراء كلها - إن المشكلة بتلغ وتطور فى النهاية بترجع الى أن أس الفساد كله تجار الداخ.

عملوا السنة دى زى ما بيعملوا كل سنة وزى ما علموا السنة اللي فاتت، يعنى الحالة بتاعة السنة دى بالضبط هى نفس الحالة اللي حصلت السنة اللي فاتت؛ إنه بينزل فى الريف ويقولوا بيرمى طعم - زى ما يقولوا - يعلى السعر، وبعدين بعد ما يعلى السعر ياخذ القطن بتاع القرية أو الزمام اللي هو عايز ياخده بعد كده بأسعار أوطى. ده بخلاف إن هم بيلعبوا فى الرتب مع الفلاحين، وبعدين بيبيعوا الرتب للمصانع ولشركات التجارة بأسعار أقل من حقيقتها ويكسبوا الفرق.

فالسنة دى يمكن النشاط كان أكثر نتيجة إنه كان فيه تجربة فى المنوفية وفى بعض المراكز فى البحيرة وفى الجيزة على التسويق التعاونى، فكانت المقاومة من ناحية التجار أشد؛ نزلوا برضه بأسعار أعلى، وبعدين لما دخلت الجمعيات التعاونية - حتى فى المناطق اللي هى تقرر فيها التسويق التعاونى - نزلوا هم فيها قبل الجمعيات التعاونية ما تنزل بأسعار أعلى جنيه أو ١,٥ جنيه أو ساعات ٢ جنيه للقنطار!

ولما جت بعد كده حتى دخلت الجمعيات التعاونية بالسعر الحقيقى، بقى الفلاحين ما عندهم ثقة وابتدوا فى حملة اشاعات؛ يقولوا: إن الحكومة دخلت فى عمل الجمعيات التعاونية علشان تبخس ثمن القطن وتكسب فيه، أو اشاعات تانية إن التسويق التعاونى ده هدفه الأساسى إنه يحصل من الفلاح كل التزاماته ومش هيفضل له ولا مليم!

سرى للغاية

هى الحالة دى خلت حالة قلق عند الفلاحين، فيه ناس مش عاوزة تبيع والتجار برضه أحجموا عن الشراء وخلق القطن ينام شوية.

فعلاوة على إن بنك التسليف الزراعى مكانش واخذ قرض من البنك المركزى، ورغم إن احنا كان متفقين على إن بنك التسليف ياخذ من البنك المركزى ١٥ مليون جنيه فوراً علشان يمول المحصول، حصل خلاف.. فضلوا يتناقشوا فى تفاصيل ودخلوا فى مناقشات مع بعض.. بنك التسليف عايز ياخذ بفايدة مخفضة، البنك المركزى بيقول له: لأ.. بادى لك بسعر الفايدة اللى هو زى البنك التجارى لما بيشتغل دلوقتى البنك التجارى، وأخيراً اتحلّت العملية وابتدوا يمولوا محصول القطن علاوة على كل..

عبد الناصر: بفايدة مخفضة.

صبرى: لا.. بفايدة تجارية لأن دى عملية تجارية بحتة، ماهياش تسليف زى البنك مايبسلف الحقيقة؛ لأنه بيمشى الفلوس على طول. فعلاوة على كل هذه الأمور القطن مكانش برضه ماشى بالقدر الكافى، فاتفقنا على أن نوزع حتى فى المحافظات شركات تجارة؛ اللى هى مكاتب تصدير تشتغل فى القطن بأن تخصص لكل محافظة شركة أو أكثر، وبتنزل وهى مكلفة بأنها أى قطن معروض بتشتريه على طول.

الأمل إنه فى خلال هذا الأسبوع المفروض إن القطن هايمشى، انما الحقيقة الأساس كل العملية أو نرجع ونلف ونقول: إن العملية كلها أساساً تجارة الداخل، ولن تنتظم فى السنين المقبلة إلا لو كانت تجارة الداخل تنتظم بالتنظيم اللى يكفل إن الفلاح أول ما يجنى المحصول يلاقى اللى يشتريه فوراً وبأسعار محددة وما فيش تلاعب فى الأسعار.

طبعاً هدفنا إن احنا السنة الجاية نخش فى هذه السياسة على أساس إن احنا لو قدرنا هنبعث الموضوع؛ لو قدرنا إن احنا نخلق الجمعيات التعاونية هى تبقى فى جميع المحافظات زى المنوفية والبحيرة بيقى كويس، إن مكانش هنتشر من أول السنة شركات القطن فى جميع المحافظات ونديرها، كل واحدة مسؤولة إنها تنتشر فى كل محافظة وتأخذ القطن على طول فى أول الموسم.

البغدادى: كنا قلنا المحالج تجيب القطن وبعدين بياخذ من تجار الداخل وهم بياخدوا عمولة من المحالج، وبعدين هو كان بيروح للمحلج بيدي له ألف جنيه وبيقول له: روح اشتري لى القطن، وبعدين هو المحالج بياخذ من البنوك لازم، وبعدين أقفل عليهم الحنفية دى وأقول له: تعالى اشتغل لحسابى لأن هو عارف الفلاحين وعارف اللى بياخذ القطن بياخده بكام.

سرى للغاية

الشافعى: يعنى هو بالنسبة لما نيجى فى الجمعية التعاونية، يعنى اذا كنا هنمسكها من المحالج الخطأ اللى بيحصل هو ما بين المحالج وما بين التاجر. صحيح المحالج يعنى فى ايديك وانت اللى بتموله وانت اللى بتشغله، لكن هو الخطأ اللى بيحصل ما بين المحالج وما بين الزارع مين اللى بيستغله فى هذه العملية؟ الشخص اللى بيروح يرمى له الفلوس فى الأول. بتيجى الجمعية التعاونية اذا مكانش عندها مخزن؛ لأن الفلاح بيبيت على القطن بتاعه وبيغفر عليه وبيقعد معاه يعنى مايبطمنش لأى حد يستلم منه القطن - حتى لو كانت الجمعية موجودة - إلا اذا قبض فعلا الفلوس. اذا مكانش التمويل يبقى موجود على مستوى الجمعية والمخزن موجود على مستوى الجمعية؛ هذه العملية هيبنى فى منتهى الصعوبة أنها تتم.

البغدادي: أصل هو هيجى يسلمه لى بأسعار تانية، وأنا عاوزه يستفيد من الفرق لصالحه.

الشافعى: بس فى التطبيق العملى عملية تحديد الرتبة هي اللى بتبقى بتاخذ العملية الفنية، والوقت اللى هتخلى اللى موجود فوق ده مش هيقدر ينفذها.. مش هيقدر ينفذها.

صبرى: أه.. هو اللى بيتم فى العملية التعاونية فى الواقع واللى تم فعلا فى المنوفية هو الآتى: هو الجمعية التعاونية مابتشترش مباشرة يعنى فيه ناس طبعاً. الجمعية واذا كان عندها مخزن أو شئ من هذا القبيل أول ما بيوصل الجزء ده الجمعية التعاونية، بياخذ ١٢ جنيه على القنطار على طول، وبعدين بيروح المحالج بيتتمر الكيس بتاعه وبيروح وبيتلج أو بيخش المحالج، وبيأخذوا عينة وفيه الفراز هناك، وبعدين يدوا له الفرق، انما بالفعل بياخذ كاش ١٢ جنيه فى ايده أول ما ببسلم القطن.

الشافعى: ده زى اللى عملوه فى المنوفية.

صبرى: أيوه.. ده اللى فى المنوفية، التاجر داخل هنا بيعمل ايه؟ هي نفس العملية اللى كنا اتفقنا عليها السنة اللى فاتت؛ إن هو عبارة عن وسيط فى بعض الحالات، يعنى يمكن مافيش مخازن أو حاجة بيروح ويلم القطن، بياخذ على الكيس ١٠ صاغ أو ١٥ قرش على حسب المناطق. وبيستفيد فعلا تاجر الداخل النهارده فى المنوفية فى هذه العملية - اللى هي ١٠ صاغ على الأقل فى الكيس - يعنى أصبحت عملية ومافيش مضاربة فيه التسويق التعاونى.

سرى للغاية

الشافعى: عمولة.

صبرى: انما بالنسبة للمناطق الثانية العملية دى هى مامشيتش، يعنى ما الشركات مثلا بتاعة القطن.. شركة النصر ١٠٠٪ حكومة وكل حاجة عندها، بتشغل تجار الداخل، فاهمة أو لها مكاتب المنتشرة، مش بيروح المندوب وبيشترى بيشغل تجار الداخل. دول بالذات التجار مابيعجبوش العشرة صاغ والـ ١٥ قرش عايز يستفيد أكثر؛ لأنه هو هنا مافيش تعامل مباشر ما بين الشركة وما بين المنتج، فيه وسيط اللي هو برضه التاجر، بنتفق معاه بتقول له: هتاخذ على الكيس ١٠ صاغ، هو برضه عاوز يروح يخفس جنيه فى القنطار علشان يستفيد فوق الـ ١٠ صاغ جنيه أو ١,٥ جنيه فى القنطار.. فهى دى العملية.

عبد الناصر: هو الجمعية التعاونية عندها؟

صبرى: حطيناها بالخطة بتاعتنا ومامشيتش.

عبد الناصر: وإحنا عندنا خسائر ايه؟ التاجر اذا كان مرتبط بشركات هياخذ القنطار ويتجه للمحالج أو يشتغل لحسابه ويروح يستلف من بنك من البنوك، مش معقول البنوك كلها تقول لى: فلان الفلانى ده تاجر قطن فالبنك ببسلفه أو الشركة بتموله أو المحالج بيموله.

صبرى: هو إحنا برضه اتخذنا قرار..

عبد الناصر: برضه العمليات.

صبرى: أخذنا قرار بتصفية المراكز فى خلال ٣ أسابيع من السلفة.

عبد الناصر: آه.

صبرى: يعنى اللي بيروح يتسلف تجار الداخل من البنك لازم يصفى مركزه فى خلال ٣ أسابيع، يبقى فى الحالة دى هى فى خلال ٣ أسابيع لازم يشتري علشان يصفى مركزه مع البنك.. ده برضه من ضمن الحاجات. لكن برضه يعنى هى العملية فى النهاية تاجر الداخل هيفضل مسيطر فى محله.

سرى للغاية

عامر: زى ما قلنا التاجر فى الآخر اللي هيبيعه، هيروح لفين؟ سواء فى المصانع اذا كان فى المصانع الموضوع هنا الرتب له حكم؛ لذلك إن فيه ناس استطاعوا السداد السنة اللي فاتت.

صبرى: فيه فلسوا فعلا!

عامر: وده أحسن؛ لأن أول ما اشتغل برضه مانجش.

صبرى: اللي اشتروا فى الأول فلسوا!

عامر: الخطوة الثانية بقى هى التنظيم التعاونى اللي عملته الجمعية التعاونية، لكن عملية تجارة الداخل لا يمكن دى عاوزه سنين وعدد كبير وداخلة فى القرى؛ يعنى عملية هتاخذ وقت شوية.

الشرباصى: والله هو اللي حصل إن تاجر الداخل الآن مالوش أثر على القطن لأنه امتنع فعلا من الشراء. هو أقبل فى الأول إنه يشتري، اشتري بسعر مجزى، بعدين راح يسلمه فخر فى التسليم؛ يعنى يالما فى الرتبة مش فاهم أو يالما زى ماهو بيشيع إنهم بيكسروا الرتب. ده كلام يعنى انما كانت النتيجة إنه امتنع خلاص إنه ينزل السوق؛ لأنه أنا شوفت ناس منهم قالوا مثلا: لما كنا عندنا أمل نكسب فى القنطار ٥٠ قرش خسرنا ٥٠ قرش! فامتنع لأنه زى ما بيقولوا إن المصدر الوحيد للتوريد هى الحكومة، فهو دخل السوق فى أول سبتمبر؛ ولذلك الناس اشتروا وباعوا كويس بـ ١٥ جنيه. وبعدين لما راح يورد، كما يقول هو: إنه خسر فى القطن ٥٠ قرش فامتنع، يعنى هو مالوش أثر فى الداخل النهارده أو بيفهم الناس. اللي حصل إن الشركات الكبيرة حتى ما بتدخلش ماراحتش يعنى؛ مثلا أقول لسيادتك: عندنا مثلا فيه زراع معروفين.. ده عنده ٥٠ قنطار ده ١٠٠ قنطار، ودايما الشركات كانت تروح للى عنده ١٠٠ قنطار، ٥٠ بدل ما تقعد تلمم ٥ قنطير من هنا و ٣ قنطير من هنا. الزراعة الكبيرة أم ٥٠ و ١٠٠ و ١٥٠ كانت بتطمع فيها الشركات؛ لأنه قطن مفروز أو قطن كويس بتقدر تصرفه وتكسب فيه؛ السنة دى ماراحوش، يعنى ناس قالوا لى: رحنا للشركة الفولانية والشركة الفولانية وقالوا لنا: هنجى لكم بكره هنجى لكم بعده ولحد الآن ماحدث من الشركات الكبيرة راحت!

سرى للغاية

تجار الداخل النهارده مالهمش أثر؛ لأن زى مابقول لكم: بعد ما دخل واشترى وراح؛ لأنه مالوش مصدر يسلم له غير الدولة، ولا الشركات.. يعنى الشركات اللي بتأخذ منه الدولة اللي بتأخذ منه وتتأخذ منه بالفرازين بتوعها، فهو امتع النهارده من الشراء لأنه خسر زى ما الأخ على بيقول فعلا. انما حتى الشركات الكبيرة فى كل المديریات اللي كانت بتروح من أول سبتمبر علشان تروح تساعد فلان وتساعد فلان بتوصل ٥٠ قنطار فيما فوق - دى كانت بتكون مغرية - ما راحوش السنة دى.

يعنى أول امبارح فه ناس من عندنا من الدقهلية بيقولوا لنا: روحنا الشركة الفولانية اللي كانت متعودة تيجى لنا؛ شركة الاسكندرية بتاعة سمند وغيرها ماجوش لحد دلوقتى! انما كونا إحنا نلصق التهمة للتاجر الصغير هو اللي أفسد! التاجر الصغير اشترى من أول سبتمبر واتحش وسطه فيهم وركنه خلاص.

فهو المهم الآن إن الشركات الكبيرة اللي كانت بتشتري دى تتحرك بعملائها إن هم يتحركوا، وهم دول اللي يقدرنا ينقذوا زى ما كانوا بينقذوا فى السابق.

الشافعى: هى بالضبط الشكوى كانت إن الناس اللي اتعودوا إن هم يروحوا يشتروا ماراحوش..

الشرياصى: الشركات الكبيرة.

الشافعى: وما فيش تمويل ولا جهاز حل محلهم على طول، فعلا الشكوى فيه حد يعنى..

عبد الناصر: دى كانت موجودة فى المصلحة الحكومية.

الشرياصى: آه.. يعنى زى ما باقول لسيادتك: يعنى الأول يتنافسوا ما فيش السنة دى أبدا.

الشافعى: حصل فراغ.

معى الدين: هو يمكن الملحوظ على تجربة المنتجين على كلام الزراعيين، على إنهم منعوا تجار خالص إنهم يباشروا العمل فى محافظة المنوفية.

سرى للغاية

صبرى: لا.

محي الدين: ودى عملية اذا كان ده مش صحيح.. مش سليم..

صبرى: لا.

محي الدين: لأنه احنا لازم نسيب التجار علشان يكشفوا الخلل اللي هيحصل فى عملية الجمعية التعاونية؛ إن يحصل عن طريق الموظفين وكده فى الجمعيات إنه يحصل برضه خلل وظلم فى عملية تسليم وتسلم.

صبرى: لا.. هو مافيش موظفين فى العملية يعنى.

محي الدين: لأ.. هو الجمعية التعاونية بيستلم القطن من الفلاح وبيوزنه، وبعدين تحديد الرتبة وكتابة اسم الفلاح على الكيس لأنه عمل مجهود فى النقاوة وكده.. فيصح إن هو تروح العملية..

صبرى: الفلاح مابيسيب الأكياس خالص.

محي الدين: لا.. الكيس بيتنقل بعد كده على المحلج.

صبرى: آه.

محي الدين: فهناك يصح العملية تتلخبط، وبعدين بيحى يقول له: رتبتك زى رتبة غيرك وهو عمل مجهود فى النقاوة!

صوت: الفرز.

محي الدين: آه.. فى عملية الفرز فى عملية وجود تجار الداخل، أنا باعتبار إنها مهمة ولازم تستمر والمنافسة مهمة جدا.

سرى للغاية

صبرى: لا.. هم ما منعوش تجار الداخل.

محي الدين: كتبوا فى الجرايد كده: إن هم منعوا بأمر من المحافظ!

صبرى: لا.. لا.

محي الدين: لأن التجار بيباشروا هذه العملية.

صبرى: التجار بيشغلوا النهارده فى المنوفية، وبيشغلوا على أساس إنه بياخد فى تنظيف القطن ووضعه فى الأكياس ١٠ صاغ على الكيس.. ده الشغل. هو كان فيه ٤٠٠ تاجر فى المنوفية، ولما اتعرضت عليهم الفكرة قبل المحصول رفضوا إنهم يشغلوا على هذا الأساس، ماعدا ٤ أظن ولأ حاجة زى كده من ال ٤٠٠ وبعدين ٢٠٠ واحد. فى النهاية قبلوا وابتدوا يشغلوا - ٢٠٠ واحد يشغلوا - انما النهارده بياخدوا على كل كيس ١٠ صاغ مضمون.. كل كيس ١٠ صاغ نظير تنظيف القطن.

الشافعى: ويمشى العملية.

طراف: الجهاز موجود، ماهو لازم يكون فيه جهاز غيره، والجمعية التعاونية هتظل ضعيفة لفترة طوية مش هتقدر أبدا تقوم بالعملية؛ يبقى عليه رقابة.. وليه مايقاش عليه رقابة؟! الواحد مثلا التمويل كله كان حكومة.

الشرباصى: ثم الرز والله أيضا كمان.

صبرى: هو زى مايقول الأخ شرباصى فى النقطة دى، صحيحة حكاية إن نفس الشركات بتاعتنا يعنى فى الواقع مطمئنة إن القطن جاى لها.. جاى لها.. بيروح يستعجل ليه؟!!

الشافعى: بالضبط ماعادش مجهود.

سرى للغاية

صبرى: كان زمان فيه فعلا عملية سباق.

الشرباصى: بيشتغلوا بروح الموظفين دلوقتى مش بروح التجار؛ يعنى لازم يروح يسعى ويلم ويعمل مش يستنى لما المزارع..

صبرى: ولذلك إحنا قلنا: إن كل محافظة يعنى الشركة اللى كانت أساسا بتروح أو الشركتين اللى كانوا بيروحوا مكلفين إنهم ينزلوا دلوقتى فى المحافظة ويلموا القطن كله فورا؛ لأن أنا جاتنى نفس الشكوى من إن شركة النصر - اللى طول عمرها هناك بتشتغل - بتبقى عند ناس بتلم القطن، وبيقولوا لها: تعالى عندنا، تقول لهم: نيجى لكم لما نخلص.. يعنى العملية ماشية بس مش مستعجلين.

عبد الناصر: قلنا: لازم نحدد حصص وفى وقت محدد لازم يشتريها.

عامر: آه.. مثلا كل أسبوعين ثلاثة وبيبان مين الشركة اللى سوقت أكثر.

صبرى: هى دى.. أنا طلبته أسبوعى رقم كل شركة اشترت أد ايه.

عبد الناصر: بالنسبة للرز؟

صبرى: بالنسبة للرز: برضه إحنا كان فيه كلام على أساس إن يجوز إنه يحصل فيه نفس الشئ؛ لأن الرز كله هتشتريه يإما المضارب يإما بنك التسليف.. مافيش تجارة داخل فيه. وكان بنك التسليف برضه ونفس الشكوى بإنه ماعدوش تمويل لمحصول الرز، عاوز له حوالى ٧ أو ٨ مليون جنيه كمان تمويل. وبعدين فى المناقشة يعنى طبعاً دخلنا فى موضوع الاتفاقية مع صندوق النقد الدولى.. اللى هى فى الواقع..

عبد الناصر: موافق.

صبرى: آه.. لكن كان وافق على أساس القطن ده لأن القطن مفتوح.

سرى للغاية

عبد الناصر: على أساس إنه تابع للدولة، بعدين..

صبرى: آه.. بعدين اتكلموا على أساس إنه كل المحصولات الزراعية الرئيسية تعتبر خارج نطاق حجم الائتمان.

صوت: آه.

عبد الناصر: فى الأول خالص.

صبرى: لا.. ده قريب أخيرا يعنى ماكانوش راضيين يدوا.

البغدادي: حصل إنى كنت أسمع على أساس حجم الائتمان لا يقل عن حجم الائتمان فى مارس السنة اللي فاتت إلا بـ ١٨ مليون جنيه.

صبرى: آه.

البغدادي: وبعدين لما اتكلموا فى بنك التسليف عن المحاصيل الزراعية، لأنه طالما فيه انتاج والرز السنة دى اللي عندنا كميات ضخمة أكثر من السنة اللي فاتت؛ فتمويل عملية الرز كان باعت لجنة وقال: آخر أغسطس..

الشرباصى: آخر أغسطس ده؟

البغدادي: آه.. آخر أغسطس ده.

الشرباصى: أغسطس اللي فات يعنى؟

البغدادي: آخر ٦/٣٠ إن صندوق النقد رد علينا، وافق على تمويل كل المحاصيل الزراعية يبقى خارج الاتفاقية.. خارج الـ ٣٠ طالما بضمان المحصول..

سرى للغاية

صبرى: آه.

البغدادى: لأن بيبقى فيه انتاج.

الشرباصى: بيقالبه.

صبرى: كان البنك المركزى رافض الحقيقة لغاية الجمعة اللي فاتت، وإحنا اتفقنا على إن المحاصيل الرئيسية على الأقل أو المحاصيل الزراعية خارج نطاق الاتفاقية بتاعة الـ ٣٠ مليون، وبعدين يعنى زندو حتى من رأيه إن احنا بنعتبر غزل القطن ومنسوجات القطن خارج نطاق..

طراف: طبعا غزل القطن خارج القطن.. هم واخدينها طبعا بقى يعنى الغزل تعتبرها زيوت بتطلعها خارج النصيب، الكتل بتاعة القطن فى محفظة السلسلة الائتمانية. انما هو الرز اللي مكانش له حصة وكانوا بيكافحوا، لكن مكانش وصلت نتيجته. البنوك بتشتكى مافيش فلوس، والبنك واقف لهم اللي يتعدى الحد يقول له: لأ!

الشافعى: ده اللي موجود فى السوق دلوقتى.

البغدادى: مين اللي بيقدم الشكاوى بتاعة الفلاحين والأراضى الزراعية؟

طراف: بتاع الرز؟

البغدادى: بتاع الرز، وقالوا لهم: ماتبيعوش إحنا الحكومة هنشتري منك الرز، طب نزلوا لنا الرز علشان نبيعه.. نسوق ونحصل على ايراد نقدر نسوى حالتنا؛ فهو دلوقتى مجمد موقف الرز.

صبرى: هو كان مجمد الحقيقة برضه لنتيجة التسليم، لكن امبارح مثلا كل الاعلانات نازلة فى الجرايد من بنك التسليف؛ أى واحد يجيب أى كمية من الرز يدخل بنك التسليف يستلم فوراً، وخط ١٨ جنيه للصنف كذا و ١٤ جنيه للصنف كذا و ١٦ جنيه للصنف كذا.

سرى للغاية

الشافعى: ابتداوا يصدروا ولاّ لسه؟

صبرى: متعاقدين.

الشافعى: آه.. سيلان كانت..

صبرى: آه.. سيلان هنصدر لهم ٥٠ ألف طن فى خلال الشهرين دول لغاية ديسمبر.

الشافعى: لحد نوفمبر أظن.

صبرى: نوفمبر، ديسمبر هانسلمهم ٥٠ ألف طن. بعدين الموضوع التانى اللى كان أثير وكان برضه..

الشرىاصى: بس خلىنا فى الرز دلوقتى.. الرز النهارده الفلاح الصغير بيبيع ضريبة الرز بـ ١٦ جنيه.

معى الدين: ماهو بيعمل له ١٨.

الشرىاصى: لا.. ما أنا عارف للفلاح الصغير للدبابير اللى بتلف عليهم! لأن دول بيقلوا لهم: تعالوا هاتوا بنك التسليف نروح لبنك التسليف علشان ياخذ الفوارغ، يقولوا لهم: تدفعوا تأمين. يعنى واحد بيقل لى: إن روجت علشان أجيب فوارغ من بنك التسليف، بيقل لى: تدفع على الباله ٧٠ جنيه، أنا مامعيش ٧٠ جنيه علشان آخدها وأملاها وأروح أوديتها هناك من أجل هذا.

إنتم عارفين الرز كله مابيتخزنش، بل بيتباع فى الغيط، وإذا اتأخر هينزل عليه المطر ويخليه يككمكم. فبيضطر يروح يلف عليهم الجماعة الصغيرين، ويضطروا يروحوا ياخدوا منهم الرز بـ ١٥ و ١٦ جنيه؛ لأن الفوارغ عامل أساسى للرز.. يجيب فوارغ منين؟ برضه ماهياش موجودة!

عبد الناصر: بندى له باله.

سرى للغاية

الشرياصى: أنا عاوز أقول: هنا بقى مثلا الفلاح الصغير دلوقتى مديون للجمعية التعاونية، فيصح يكون فيه بالة فى الجمعية التعاونية. فيصح فيه هناك الفلاح الكبير بيروح يجيب من المضارب يإما يجيب من بنك التسليف - اللي عنده ١٠٠ ضريبة، ٥٠ ضريبة، ٧٠ ضريبة - لكن أبو اتنين وتلاتة وأربعة طب هايروح بنك التسليف يقول له: ادبنى فوارغ. يبقى لو كان تتوزع فوارغ على الجمعيات التعاونية فى قلب القرية، الرجل اللي عنده مثلا ضربيتين أو ٣ ضرايب يبقى عاوز ٣٠ شوال أو ٤٠ شوال، لكن الرجل الكبير آهو بيقدر يدفع.. يروح بنك التسليف يدفع ٧٠ جنيه يجيب بالة أو المضارب تروح له.

النقطة الثانية: كان فيه عامل أساسى كبير جدا فى تصريف الرز كل سنة؛ وهى المضارب اللي استولت عليها الدولة النهارده. المضارب دى كان أصحابها برضه بيكون عندهم فوارغ، وبيكونوا مستعدين ويروحوا الغيطان على طول. الرز خلص يروح يوزن كل يوم، ويروح يجيب اللورى بتاعه ينقل ويدى له الفاتورة، ويروح على المضرب يحاسب.

أنا كنت امبارح عند الدكتور محروقى وعند الدكتور كمال استينو، وبرضه هم موافقين على هذه النظرية؛ لأنه أصحاب المضارب، وسيادتك زى ما إنت عارف إن المضارب الكبيرة اللي فى المنصورة برضه هم وافقوا على هذا؛ إنه برضه الفوارغ تبقى هناك، وبرضه يتعاملوا زى كل سنة لأنه الفلاح الصغير يقول لك: طب أنا حتى افرض أنا عندى ضربيتين أو تلاتة أو أربعة، طب أنا لما أملاهم هوديهم بنك التسليف فى ايه؟! أجيب لهم منين؟ وكل واحد يروح يجيب لورى منين علشان ينقل ويودى من عنده، يودى بنك التسليف يعنى؟! لأ الحمير.. مابقتش حمير فى الأرياف لأنه مابقاش سباخ بلدى ولا فيه حاجة، كله بيستعمل الكيماوى دلوقتى مابقاش.. عندهم دلوقتى عراقيل كثيرة جدا، وإحنا على هذا الأساس عاوزين نحميمهم من التاجر الصغير.

التاجر الصغير النهارده كل ما يتأخر معاهم هو برضه بياخذ الضريبة بـ ١٦ جنيه، فلو إنه مثلا بيتوزع - علشان الفلاحين الصغيرين - يتوزع مثلا العبوات فى الجمعيات التعاونية، واللى عنده ضرية أو اتنين أو تلاتة أو أربعة يبقى فى هذه الحالة يعبى الرز بتاعه، حتى لو جه التاجر الصغير علشان يشتري تبقى العبوات موجودة، وتبقى تتقاضى التمن منه الجمعيات التعاونية عند البيع ثمن الفوارغ، لكن مابقدرش حد يروح يجيب الفوارغ إلا المزارع الكبيرة اللي عندهم ٥٠ ضريبة فما فوق.

الشافعى: دى مشكلة فى كل عمليات النقل طالما إنها محتاجة..

سرى للغاية

الشرىاصى: والشتا داخل والرز مايتخزنش؛ يعنى أى واحد ياخذ منه بأى ثمن، ثم لو نزلت عليه المطر مش هنقدر لما نيجى نضربه للتصدير بيصفر لو نزل عليه المطر فى الجرن بيبوش، وبعدين تيجى تضربه تلاقه أصفر اللى هو مايقبلوهش بره. ولذلك عاوزة فى الحقيقة عملية سريعة بالنسبة للرز فيما يتصل بالفلاح الصغير أو فيما يتصل بالفلاح الكبير، والعبوات اللى تتوفر لهم والتسهيل يتوفر لهم. لأنه اذا كان بنك التسليف منتظر إن الفلاح الصغير عنده ضربيتين أو ثلاثة، هيروح يجيب عبوات وبعدين يشيلهم وبعدين يروح يوديههم هناك.. مش معقول! اذا هيشوف أى واحد.. أى تاجر صغير من اللى ماشى يقول له: أخذها بـ ١٥ أخذها بـ ١٥,٥، فيروح بايع ويخلص ويشيل البلوة دى من على قفاه؛ لأن العبوات هتبقى مشكلة هايجيبها مين؟!!

صبرى: كنا اتكلمنا فى موضوع المكافآت التشجيعية.. كان المجلس قال برضه تفحصه إنه ماتبقاش السنة الجاية علاوله.. يعنى كل الوزارات. يعنى بالنسبة للوزارات السنة اللى فاتت حددنا ١٠ أيام لكل الموظفين، وعاوز يربط برضه المكافأة التشجيعية بالمكافأة السنوية دى بعملية الخطة والانتاج فى داخل كل وزارة. فاتناقشنا الحقيقة طويلا فى العملية، وكان الموضوع تشعب جدا لأنه ربطها بالخطة بس أو مدى تنفيذ الخطة فى كل وزارة انتقال: طبعا هو معروف إنه ساعات الوزارات مايتبقاش مسؤولة عن تأخير الخطة، ساعات بيبقى الندب هو المسؤول، ساعات يعنى يبقى عوامل خارجية مش فى سلطة الوزارة أو مش فى مقدور الوزارة إنها تتغلب عليها.

كذلك أثيرت نقطة تانية: اللى هى لو الوزارة قصرت فى تنفيذ الخطة، هل يسرى التخفيض أو الغاء المكافأة على جميع أجهزة الوزارة ولاّ بنصل برضه الى درجة معينة اللى هم الناس المسؤولين فيها فى الوزارة؟ بنقول: هم دول اللى مايخدوش والباقى ياخدوا؟
فالحقيقة أثيرت نقط فرعية كثيرة جدا وماقدرناش نوصل طبعا لنتيجة، لكن ولو إن المبدأ أتفق عليه؛ على إنه طبعا مانقدرش نيجى السنة الجاية ونقول: كل الوزارات تاخذ ١٠ أيام! لازم نعمل تفرقة فعلا علشان نشجع الناس إنها تشتغل، فهتدرس طبعا العملية على أساس المبادئ دى بحيث إنه مش كل وزارة تاخذ زى الثانية، ماتكونش الخطة هى بس العامل الأساسى، وبرضه مايكونش كل جهاز الوزارة هو اللى بيصبيه الضرر لو كان فيه ضرر وقع فى التنفيذ.

سرى للغاية

تفرع من هذا طبعا الكلام عن الجهاز الحكومى - الموضوع الأساسى طبعا - وایه اللى نعمله علشان الجهاز يبقى جهاز كفؤ. والحقیقة إنه الموضوع ده هو موضوع يعنى فى رأىى أنا موضوع أساسى؛ لأنه مش ممكن نشغل صح إلا اذا كان الجهاز بيشتغل بكفاءة، مش ممكن هنقدر ننفذ خطة ونوضع خطة وننفذها اذا مكانش الجهاز الادارى بينفذ الخطة. وبعدين أنا فى رأىى الحقیقة برضه إنه مش ممكن إن احنا نحل هذه المشاكل بالطرق العادية، يعنى أنا منتهىألى لازم نعمل الموضوع ده بطريقة ثورية بعيدة عن النظم وبعيدة عن الأسس المتبعة فى الدول كلها.

يعنى أنا باقتراح وياقدم الاقتراحات وهى:

أولاً: إنه الانجازات أو التقصير أساسا يجب أن يقع على الرئيس مش على الموظف أى تقصير. وبعدين كل عملية فى كل وزارة يجب أن يتحط لها وقت معين تتم فيه، لو الوقت ماتتمش العمليات فيه، يبقى مش الموظف أساسا اللى بيجازى بل الرئيس هو اللى بيجازى.

تانى حاجة: أنا باقتراح برضه - ولو إنى ماتكلمتش فى المجلس عن هذا - إنه لابد إن احنا نعدل قانون الموظفين؛ بحيث إن احنا نخفض درجته.. يعنى يسمح بتخفيض درجته.

طراف: تحفيض ايه؟

صبرى: درجة الموظف.. يعنى الرجل المسؤول أو الرئيس المسؤول مش قادر يدير الجهاز بتاعه بينزل درجتين اللى هما..

طراف: طيب والقانون ده ايه اللى خلاه؟

صبرى: بتصطدم بمجلس التأديب.

طراف: مجلس التأديب!

الشافعى: هو المشروع المقترح اللى هو..

سرى للغاية

صبرى: بتصطدم بمجلس التأديب، وبعدين بقى مجلس التأديب عبارة عن ناس من القضاء أو المستشارين ولا يشعر بالمسؤولية بتاتا من ناحية الجهاز الادارى وكفاءته، فيه راجل قاعد بيحكم بيشفوف القانون.

وبعدين فيه عندى حالات يعنى حاجات تموت من الضحك! واحد بيروح مقصر.. مختلس مش عارف ايه.. حاجة مثلا انتشرت فى الجورنال، مدرس فى مدرسة مش عارف فى المنصورة أو فى حطة فى الدقهلية، مدرس فى وزارة التربية والتعليم فاتح مدرسة خاصة ويبيديرها ويكسب منها! راح مجلس تأديب، مسكته النيابة الادارية وحققوا معاه وأدانوه وودوه مجلس التأديب؛ خذ ١٥ يوم خصم بقاله كام سنة؟ بقاله مش عارف ١٠ سنين بيدير هذه المدرسة، طب ايه يعنى ١٥ يوم؟!

عبد الناصر: من حق الوزير أن يتخذ..

الشافعى: ماهو فيه فصل.. يفصله على طول! موجودة يعنى.

صبرى: آه.

عبد الناصر: بصرف النظر عن مجلس التأديب حتى يتخذ المجلس..

الشافعى: وبعدين المشروع الجديد فيه توقيف العلاوة الدورية ورفت.

صبرى: وبعدين فيه حاجات ماتخصش النزاهة برضه.. زى فيه واحد غير كفو إنه يبقى رئيس.

الشافعى: صح.

صبرى: يعنى بترقيه بدوره وأقدميته، وبعدين مافيهش صفة القيادة ومافيهش صفة الرئاسة.. مش معقول!

سرى للغاية

الشرباصى: لو من الدرجة الثانية يبقى فما فوق بالاختيار.

طراف: هو يعنى فى الموضوع ده برضه أنظر من الناحية الثانية كمان، لما يكون الاختيار مطلق ما إنت بتطلع برضه واحد اختيار مطلق لأنه مقرب لأى واحد!

الشرباصى: الاختيار المطلق فيه ١٠٪ محاباه أو ٢٠٪، لكن دى لما تجيبها من تحت بالمكنسة وتوصل للدرجة الثانية، بتختار من ايه؟!

طراف: بص هاقول لحضرتك: من الاختيار مكنسة من الأول، فإيه مكنسة من الأول؟ اللى يتعلق تتطلع.

الشرباصى: أنا موافق على كلامك بس على شرط أنا أعاقب رئيس المصلحة وأدى له السلطة الكاملة، دلوقتى كل الموظفين لما بيفسدوا..

طراف: مين اللى بيعمل كده؟

الشرباصى: الرقابة الادارية والنيابة الادارية، يعنى بيبجى مثلا رئيس يروح موقع على مرؤوس عنده؛ لأنه اختلس أو عمل تانى يوم شكاوى مجهولة والدليل إنهم حققوا معا.. ده مش كلام أنا مستقيل! الكلام ده تقوله صح تعاتب الرئيس لكن أدى له المسؤولية الكاملة أيضا وأدى له مقومات السلطة.

الشافعى: ماتدولوش مقومات السلطة وتسألته! يعنى لازم ياخذ مقومات السلطة بالكامل وبكافئ.

حسين: كل عملية يتحدد وقتها ولازم الموظف يقول رأيه فى وقت محدد له، ولو ماقالش رأيه لازم يرفعها الى رئيسه المباشر، وبعدين لازم يحاسب ليه ماقالش رأيه.. كل ده.

صبىرى: كد ده انتقال.

سرى للغاية

حسين: واخذ بالك اتبعنت رسائل لكن يعنى العملية اليومية لازم داخل كل وزارة، وعمليات التنظيم برضه مقترحة.. العمليات اللي بتتعمل برضه غير السلطة اللي احنا بنعملها.

صبرى: آه... طبعا.

حسين: حاجات جبرية فيها، وحاجات برنامج يعنى حيبقى مرتبط بعمليات زمنية.. ودى عملية تنظيمها مستمر مش هتعمل خطة وتقف.

حسين: طبعا.

حسين: خطة وبعدين أجهزة موجودة.. أجهزة تنفيذية وأجهزة محلية، وبعدين عمليات باستمرار تشوف عقبات موجودة بحيث إنها ماترجعش تانى.

عامر: الجهاز الحكومى يعنى فى نظرنا هو لازم ياخذ وقته.. علشان تنظمه لازم ياخذ وقته، وبعدين علشان ياخذ وقته لازم نبتدى فيه، يعنى أنا فى رأى يمكن ياخذ سنتين يعنى ناخذ وزارة.. وزارة.

الشرباصى: ياريت يبقى سنتين!

عامر: بس برضه وزارة.. وزارة ليه بقى؟ الوزارة عبارة عن جهاز تنظيم يعنى.. التنظيم والمسؤوليات هم اللي بيصلحوا الدنيا ويحددوا المسؤولية.. يعنى لازم يكون فيه تنظيم ومسؤوليات وجنب المسؤوليات..

طراف: وتحدد التنظيم.

عامر: التنظيم والمسؤوليات، وفيه بعض المشاكل اتخذ قرار فى أى وزارة بيمضى عليها ٣٠ واحد، فى الواقع ٣٠ واحد دول دون داعى.. ده بيمضى وده بيمضى وده بيمضى طب الناس تتعقد نحو فكرة التنظيم!

سرى للغاياة

طراف: نحتاج للمسؤولية.

عامر: هتأخذ وزارة ورا وزارة بالتفصيل، العمليات ماشية فى الدول كلها وتترسم وتعمل وتتحدد مسؤوليات.

حسين: وبعدين ازاي تصلح ده كله وتربط كل ده وعايز تعمل خطة.

صبرى: هياخد وقت طويل جدا.

عامر: فى كل الحالات إحنا عملناها لجنة خاصة، الناس عندهم كفاءة التنظيم ويروحوا وزارة ورا ويشغلوا بالتفصيل.

عبد الناصر: وبعدين المفروض لجان الوزارات، وزارة الاقتصاد لازم تلتزم إنهم هيقعدوا يتحاسبوا ويشوفوا حلها ايه.

عامر: لا.. ماينفعش.. لازم الـ GROUP، باقول لك كل واحد بيروح وزارة.

الشافعى: يعمل بمياة واحدة يعنى؟

عامر: آه.

الشافعى: يشتغل.

عامر: ده كله بيصب فيه.. يقوموا الوزارة دلوقتى ويشوف شغل وراه أقسام، اللي بيشتغل رئيس القسم ده شغله ايه؟ وتحت كام واحد؟ وبيعملوا ايه؟ هى العملية لازم تمشى كده، وده الشغل كده بيننظم.

حسين: الخبراء الفنيين.. يعنى واحد بتاع مخازن أصلا بيشتغل فى المخازن اللي إنت تقدر تعتمد عليه، ده يمكن جايز يقول لك المشاكل بدل ما يبقى فى اللجنة.

سرى للغاية

عامر: لا.. ده إحنا هننقى الناس.

حسين: وبعدين كل العمليات اللي بتحصل فى المخازن دي هي المشاكل اللي فيها.

عبد الناصر: أيوه ياكمال.

رفعت: حسب تجربة الواحد فى الفترة الأخيرة، العملية إن جهاز يتولى العملية صعبة جدا. وأنا باعتقد إن العملية لازم تتبع من كل وزارة ويكون كل وزير مسؤول عن التنظيم فى وزارته.. يعنى هي دي أساسية.

عامر: ياريت.

صبرى: هو الكلام ده صح وأنا قلته برضه، وقلت لهم فى أول جلسة: فى ظرف ١٥ يوم كل واحد يجيب لى كل العمليات اللي بتنتم فى الوزارة و time tabl . كده بيتقال فى عملية مثلا الرخصة بتطلع فى ١٥ يوم، نركز نقول: معلى خليها ١٥ يوم دلوقتى بس تنتم فى الـ ١٥ يوم، وبعدين نحسن نقول: بدل الـ ١٥ يوم، ليه بتاخذ ١٥ يوم؟! ونحسن ونمشى بهذا الشكل.

للأسف إنه لغاية دلوقتى ماحدث جاب حاجة، وبعدين لما سألت الوزراء كل واحد جهاز الوزارة نفسه معوق لهذه العملية، يعنى ماحدث داخل جهاز الوزارة عاوز يشتغل. ولذلك أنا باقتراح برضه - وده من ضمن الاقتراحات - إنه نوقف الترقى خالص لغاية ما تنتم العملية دي فى الوزارة.

رفعت: يعنى فيه سبب أنا برضه بدى أقوله..

عبد الناصر: بدء عملية تنظيم.

صبرى: أو على الأقل الترقيات من درجة أولى فما فوق بيتوقف لغاية ما يجيبوا لى التنظيم..

سرى للغاية

عبد الناصر: هذه العملية فى التنظيم يعنى يؤخذ..

طراف: لا.. اللى بيحصل عادة.

صبرى: من مدير عام فما فوق، وبرضه مايترقوش لغاية ما يجيبوا لى التنظيم اللى هم بيشتغلوا فيه.

البغدادى: ولا فى تنظيم! وبعدين التنظيم متسعين فيه أوى على أساس الوظائف الحاكمة فيه تقدر فيه أعداد حبيبينها. فالتنظيم ماكانش يخلى الأجهزة نفسها بتقترح تنظيم الأجهزة نفسها لأنها باستمرار هى طرف فى العملية فى الجهاز المركزى فى التنظيم. وبعدين عمليات ال operation الداخلية دى، وبعدين بتحدد اللى بيحصل فى كل عملية على حدة. بعد التنظيم الرخصة بتمشى ازاي؟ التعليقات ايه المشى ايه؟ بتبحث بعد كده المفروض يبقى فيه جهاز محلل باستمرار بيراعيها؛ هنا هل العملية ماشية ولا مش ماشية؟ وجهاز بيروح يفتش لملاحظات بييجى يورهم للوزير كل الحاجات دى.

صبرى: هايفتش على ايه، اذا كان مش محدد له فترة.. اذا ماكنتش هاتقول له خلال ١٥ يوم؟!

رفعت: يعنى المشكلة على حسب الواحد لما سمع، كل وكيل وزارة بيحاول إن كل حاجة تصل للوزير تكون عن طريقه.. بيركز كل العملية فى ايده. اللى بيحصل إن الوزير ماعدوش فكرة عن الوزارة ماشية ازاي، إلا بالقدر اللى وكيل الوزارة نفسه بيسمح له بيه أو بيدي له.. فعلا دى اللى بتحصل.

ابراهيم: بس دى غلطة الوزير.

رفعت: ماهى دى غلطة الوزير؛ علشان كده باركز إن الوزير يجب إنه هو يكون المسؤول الأول عن العرش. يعنى أنا كنت بعانى من هذه العملية.. يعنى باقولها كتجربة ويمكن نجحت الى حد ما: كنت باطلب تقارير شهرية من كل ادارة بحيث ماتمرش على الوكيل تجيلى أنا، ويجوز الوكيل ياخذ صورة منها وهو يقومها فى تقرير واحد من عنده، لكن أساسا هذه التقارير بتيجى لى بمواعيد زى تقارير النجاح اللى كانت بتاع الجيش.. تقارير نجاح شهرية.

سرى للغاية

فكل ادارة لازم تكتب لى ايه متاعبها وايه اقتراحاتها وايه العمل اللى عمله طول الشهر، وايه اقتراحاته علشان تحسين العملية. طب اللى بيحصل إن الوزير يكون عنده صورة فعلا دقيقة، ولو إن ده وكلاء الوزارة دايمًا بيعادوا هذه العملية لأنهم بيعتبروا نفسهم انعزلوا من العملية، لكن دى فى تقديرى يمكن تكون من الوسائل اللى بتخلى الادارات نفسها تشتغل، هو كل مستوى بنفس الطريقة.

محى الدين: يعنى إحنا اتكلمنا فى هذا الموضوع من سنة ٥٢ لغاية النهارده، والتقدم فى اصلاح الأداة الحكومية تقدم بطئ، واتعصبنا واتفرزنا كثير وكنا منفعلين، ولكن كانت النتيجة نفس الوضع! فالعملية مش هتيجى بالعافية أبداً انما لازم تيجى بخطة سليمة مدروسة تشمل حسب دراسة الناس اللى باشروا هذه العملية مئات العناصر فى الاصلاح، وكل عنصر من دول لازم يتحقق.

النقطة الثانية: إن الوزراء ووكلاء الوزارات والأجهزة القائمة فى الوزارات غير قادرة على مباشرة خطط الاصلاح. صحيح إن الاصلاح بيبنع من داخل الوزارة، ولكن خطته لازم تيجى من بره، والناس اللى من بره دول لازم يقعدوا متفرغين كده يتابعوا تنفيذ الخطة، مايقفواش على قاعد يقول: إنتم عملتم ايه وسويتوا ايه، وجيببتوا الكلام اللى قلته ولا ماجيببتوش، وماترقوش الناس إلا لما يقولوا الكلام. لا.. إحنا نوضع خطة وناس قاعدين علشان يتابعوا تنفيذ هذه الخطة، اذا كانت الوزارة هتقف موقف سلبى فى تنفيذ الخطة والله هيبقى فيه حساب.

الغرض اللى عاوز أقوله: إنه لازم يبقى فيه أجهزة متفرغة لهذه العملية، تخدم الوزراء والمجلس التنفيذى كله من هذه العملية من ناحية المتابعة. ولكن بتيجى تنبئه بتقول له: إن الخطة فى هذه المرحلة ماانتفذتش أو فى الوزارة الفولانية ماانتفذتش أو فى الجهاز الفولانى ماانتفذتش.

الخطة فيها عناصر كثيرة أوى؛ فيها تحديد المسؤوليات.. تحديد مسؤولية الموظف من أصغر واحد لأكبر واحد. وده الأساس اللى بترتكز عليه المحاسبة، مانحاسبش أى واحد من غير ما يكون فيه مسؤولية محددة.

دى أى لجنة تحقيق تحطها فى الوزارة بتروح وبعدين بتطلع بدون نتيجة؛ لأن مش عارفة تحدد المسؤولية لأنه مافيش لوائح مافيش تعليمات داخلية إن العملية دى بتتم بواسطة الموظف الفولانى أو الموظف الفولانى أو الموظف الآخر.

سرى للغاية

فيعنى مالهاش جانب واحد لها عدة جوانب، وأنا جاى اقتراحات طبعا فى الرول جاى نمرة ٣ برضه ما يعنى لنا كلام فى هذا الموضوع.

البغدادى: يعنى موضوع الخطة ابنتت ودرست.

الحل الثانى يستحق جميعا وزارة من الوزارات جامدة الى أن يوضع الخطة؛ يعنى زكريا بيقول مثلا: لازم تتم العمليات فى وقت معين، وده صح وبكده بصفة تجربة لازم العمليات تيجى فى ٢٤ ساعة، كل واحد يقول رأيه وتطلع..

اذا كان فيه عمليات بتاخذ وقت أكثر من كده، على وكيل الوزارة إنه يحددها لى ويقول لى الوقت اللى تاخده أد ايه. وبعدين فيه مكتب تفتيش.. مكتب التفتيش بيروح ويتابع العمليات دى ماشية ازاي، الاقتراحات دى لتسيير العملية دى؛ مثلا زى الرخصة بتاخذ أد كده وبتجيب كل أسبوع. فبالعمليتين دول مع توزيع المسؤوليات يعنى وزير.. بحيث كل موظف يبقى محددة مسؤوليته وسلطته علشان نقدر نحاسبه.. وده كل وزارة تبقى بتعمله.

رفعت: ده الوزارة نفسها تعمله.

البغدادى: آه.. أنا باتكلم عن عمليات سريعة غير الخطة لغاية لما تيجى الخطة وتحدد وتعديل، لما الخطة تقترح دى كلها.

محي الدين: فيه كلام إن احنا لما كانت تتوضع الخطة وهتاخذ مدة طويلة، ماحددتش مسؤوليات والمستويات الاشرافية والكلام ده كله؛ يصح تبص تلاقى خلل فى الجهاز الادارى هذا الخلل من عدم متابعة ورقابة، طب إنت محدد مسؤوليات النهارده وساييه يخطئ ومابتحاسبوش، طيب ده موضوع خاص بمجلس تنفيذ الوزراء والأجهزة كلها، يعنى اذا مكانش فيه متابعة..

رفعت: أن باقترح - وده ممكن - إن كل وزارة يبقى لها تعليمات مستديمة، ودى من واقع القرار الوزارى اللى هو خاص باختصاصات كل وزارة واختصاصات الادارات اللى فيها. لو كل مدير ادارة فى داخل الوزارة وضع التعليمات اللى ينفذ بيها اختصاصات الادارة بتاعته كما هى واردة فى القرار الوزارى بتاعه أو القرار الجمهورى بتاع اختصاصات الوزارة، أنا باعتقد ممكن نخرج بأمر أو تعليمات مستديمة لكل عمل بيجرى فى الوزارة؛ اذا كان كل مدير ادارة مسك ادارته بالضبط واختصاصها، وايه تعليمات تنفيذ هذه الاختصاصات.

سرى للغاية

عامر: لا.. أنا رأيت إن الموضوع أولاً system، وبعدين لا يمكن الـ system يبقى الرقابة والتفتيش، لكن أولاً يكون فيه system، فأنا باقول إن احنا لازم أولاً نضع system. صحيح ده مايمنعش الوزير دلوقتى إنه يشتغل وبيباشر، طبعا بيشتغل لكن لازم يكون فيه system.

الـ system مايجيش إلا باعادة تنظيم كاملة، واعدة تنظيم العملية مش بسيطة العملية صعبة، ودى عايزة ناس يتفرغوا لها، ويقعدوا وبيباشروا وينظموا الوزارة من الألف الى الياء.

طراف: يعنى ده العلاج المستديم.

عامر: آه.. طبعا.

طراف: لكن فيه علاج يعنى مسكن أو سريع يتعمل.

صبرى: ده برضه هادى أمثلة الحقيقة يعنى وده من الواقع، وده يدل على إن فيه حاجات ممكن إنها تتعمل.. نمسك وزارة الصحة؛ مثلا النهارده جميع المستشفيات فى الأرياف عندها الأدوية بتاعتها والأجهزة بتاعتها.

عبد الناصر: الأدوية ايه؟

صبرى: الأدوية والأجهزة، ليه؟ كان زمان المستشفى مايقدرش يصرف إلا أظن فى حدود ٥ جنيه سلفة. بيبجى الجهاز بيقول: أنا عاوز سلفة ١٠٠ جنيه بياخد الـ ١٠٠ جنيه، وبحمله المسؤولية وبيدى لمدير المستشفى سلفة ١٠٠ جنيه، وبعدين بيوزع الأجهزة الموجودة فى القاهرة.. وهكذا. النهارده من ناحية التجهيز ومن ناحية الأدوية مايفش شك إن المستشفيات فى الأقاليم ماشية.

سرى للغاية

فإذا لما الوزارة نفسها بتقدر تيجى تقترح تقول: أنا حلا لهذا المشكل إنه المستشفى الأميرى فى المنيا مثلا ماعندوش جلسرين.. النهارده موجود عنده جلسرين، اتوجد ليه؟ لا بالتنظيم ولا بتغيير اللوائح، اتوجد بتعديل بسيط فى السلطة الممنوحة لمدير المستشفى. يعنى اذا فيه حاجات ممكن إنها تتعمل، وبعدين بمقابل هذا بتجد فيه بعض الوزارات الثانية مافيش أى قابلية لعمل هذا ولا تفكير فى عمل هذا.

طبعا هنا نقدر نقول: إن الوزير بيقدر يآثر هنا وبيقدر يعمل هنا أو.. أو.. أو.. شى من هذا القبيل، انما نفس الأجهزة المعاونة إن ماكانتش متعاونة فعلا - وخصوصا الرئيسية وهى اللى بتقترح هذا على الوزير - مكانش يقدر يوصل لهذا.

فيعى فيه حاجات ممكن إنها تتعمل، الى أن يتم التنظيم النهائى اللى هتاخذ لها وقت طويل.. طبعا سنين طويلة، انما على الواقع النهارده ممكن أوى بتعديلات بسيطة نمشى. حتى التنظيم السئ اللى موجود عندنا وعدم وجود أوامر مستديمة وكل حاجة، ومع هذا ممكن إن احنا نحسن. فإذا يعنى فيه جهود إنها ممكن تتعمل لحين عمل لجان تنمية وتفتيش، وكل حاجة فيه جهود ممكن إنها تتعمل وتودى الى خدمة أحسن.

محي الدين: يعنى على الموجود حاليا..

صبرى: آه.. على الموجود حاليا.

محي الدين: عاوز تقول مافيش متابعة.. فيه وزير بيتابع وبيهتم وبيصلح وفيه آخر أو جهاز آخر مابيهتمش؟

صبرى: مابيهتمش.

محي الدين: طيب ما ده موضوع الحياة.. تأثير الحياة للأبد يعنى مش سر.

الشافعى: الاحساس بالمسؤولية.

سرى للغاية

طرف: انما فيه اجراء عام ممكن يتخذ؛ مثلا زى الأخ عبد الطيف كان بيقول: دلوقتى فيه مثلا يطلع أمر بيان مافيش مكاتبة تقعد عند موظف أكثر من يوم أو اتنين، اذا قعدت عنده أكثر من كده لازم بيدى سبب؛ أنا أعتقد لو ده نفذ بيتحرك.

محي الدين: مين هيتابع؟

طرف: هو يتابع بقى.

محي الدين: بتقول مافيش مكاتبة تتأخر عن ٤٨ ساعة بعد هذا الأمر بشهر؟

طرف: آه.

محي الدين: تعالى أنا أورى لك فيه وزارات مكاتبات بتقعد بالأسبوع!

طرف: آه.

محي الدين: وبالشهر!

طرف: يبقى مسؤول وكيل الوزارة بقى.

محي الدين: مين اللى هيحدد؟ دي النقطة اللى أنا عمال أبرزها؛ إن هنظم كل حاجة ولازم اللجنة المركزية لتنظيم الأداة الحكومية تعمل كل شئ وكل حاجة، وبعدين تيجى فى المتابعة والمراقبة فيه ناس تتأبلة قاعدين فى الكراسى الرئيسية مايبحاسبش!

رفعت: ما دى المشكلة!

سرى للغاية

محي الدين: يعنى أى أرشيف - أرشيف اللى هو عصب الوزارة - بيختل نتيجة ايه؟ نتيجة إن بيكسل الموظف إنه يحط الورقة فى محلها! بتيجى بعد كده بتحب تطلع على أى موضوع؛ بتيجى تلاقى خلل.. نقص معلومات نتيجة إن الأرشيف غير كامل. الأرشيف ده عاوز يوم بيوم.. بيحصل اهمال، هل حد راجع هذا الاهمال يوميا؟ ماحدش! وبعدين مافيش حساب فى هذه الحالة.

طراف: هو مطلوب.

محي الدين: عملية المتابعة دى مطلوبة. وهتيجى أجهزة رقابة شعبية وهتيجى أجهزة الرقابة الحكومية والكلام ده، كله يشوف الموضوع.

الشرباصى: الكلام اللى بيقوله الأخ نور فيه قانون الضرائب قانون يحدد أن الفصل فى القضية لا يتجاوز مدة معينة ٣ - ٤ - ٥ أشهر، بعد ٥ سنين وتيجى تسأله بيقول لك: الشغل كثير والقضاة قليلين.. تقول لهم ايه؟! هنيجي هنا برضه نيجي نقول الورق ده اتأخر عندك أد ايه؟ يجيب لك ١٠ دوسيهات يقول لك: أدى ٢٠ شغلة أدامى ماقدرش أخلصها فى يوم كتر لى الموظفين! ماهو ممكن قبل ماقدرش تربطها أبدا.

طراف: طب أنا عاوز أقول حاجة: إنه فى أول سنة من بعد الثورة الأداة الحكومية مشيت عال جدا.

محي الدين: من الخوف!

طراف: لا.. لا.. أظن كده، ليه اتغيرت؟

محي الدين: ماهو من الخوف!

طراف: ماهو ده اللى عاوزينه بقى الحقيقة تكون العقوبة سهلة، كمان المكافأة تبقى سهلة، مش يبقى العقوبة تاخده مجلس تأديب ومجلس ماعرفش ايه، وبعدين المكافأة بقانون مالى أو ماعرفش ايه! فلو شعر كل موظف إنه ممكن أن يعاقب يقدر يمشى لفترة مؤقتة.

سرى للغاية

محي الدين: يعنى كل الموظفين ابتدوا كشوا ويقولوا: أحسن أطلع وأتأخر والأحد جاى من السعة ٨.

الشافعى: قانون التوظف القائم حاليا عبارة عن مجموعة ضمانات بتدى يعنى زى ما بنقول.

طراف: النيابة الادارية ادت ضمان.

الشافعى: طيب.. بتدى تأمين..

طراف: بتوقع عقوبة على..

الشافعى: تأمين أكثر مما يمكن أن يحتاجه الجهاز.

صبرى: أى مدير عام فى أى مصلحة كويس تجد المصلحة بتمشى كويس مهما كانت النظم سيئة.

رفعت: يعنى أنا واثق يافندم إن فيه وكلاء للوزارات لا يعلموا اختصاصات وزاراتهم ايه!

عامر: فيه طبعا.. أنا معاك.

رفعت: الاختصاصات مكتوبة، ومع ذلك لا توجد أى تعليمات لتنفيذ هذه الاختصاصات، اللي هي المفروض تتواجد فى كل وزارة وتبقى كتعليمات مستديمة لتنفيذ هذه الاختصاصات. دى لو اتوجدت وبعد كده اتوزعت على الموظفين، ودى مسؤولية كل وزارة يعنى ماهيش عايزة جهاز خارج الوزارة يعمل، جهاز خارج الوزارة يقدر يعمل تنسيق عمل بين وزارات مختلفة، لكن داخل الوزارة نفسها عنده اختصاصات، الى الآن مافيش أو وزارة تعليمات لتنفيذ هذه الاختصاصات.

صبرى: ما هو ده.

محي الدين: هي دى.

سرى للغاية

عبد الناصر: أنا رأيت ايه المانع؟ نخلى وكيل وزارة يمسكها.

عامر: ده ممكن الحل الأول: بالنسبة للوزير نفسه يعمل على إنه يشوف تعليمات الوكلاء ويحطها بنفسه.

والحل التانى: اللى هو اللجنة تمسك كل وزارة بموظفينها بشغلهم بمسؤوليتاهم وتعمل تنظيم كامل.
هما دول الحاجتين اللى لازم يمشوا.

عبد الناصر: ماهو ده الحل الأولانى ده اللى المفروض على يتابعه.

عامر: ده هو دوره.

عبد الناصر: الحل التانى الجهاز المركزى للمتابعة.

صبرى: اللى هو بس بدون جزاءات قوية، فى رأى أنا يعنى ماهيمشى هذا الكلام. الكلام اللى بيقوله كمال دلوقتى يعمل بعدم استقرار؛ يعنى أنا النهارده لما بييجى وكيل وزارة ماهوش عارف وماهواش موزع الاختصاصات طب لازم أنزله درجة.. ببقى وكيل وزارة ليه؟!!

عبد الناصر: مين اللى هيقول لك إنه مش عارف، الوزير؟

صبرى: يعنى الوزير.

عبد الناصر: الوزير هييجى يقول لك..

صبرى: يعنى أنا عندى جهاز الرقابة بتاعى لما بييجى يقول لى..

عامر: جهاز الرقابة الادارية؟

صبرى: آه.. لما بييجى يقول لى..

سرى للغاية

محي الدين: ماهو قطعاً لازم الوزير.

صبرى: ده قرار المجلس طبعاً، يعنى ما لم يعلم وكيل الوزارة إنه يقدر ينزل درجة والله ما هيتحرك، وكذلك المسؤول العام.

طراف: حكاية تنزيل درجة مش عملية؛ لأن أنا وكيل وزارة وبعدين هنزل أبقى مدير عام! تصور بقى أنا لما أكون مدير عام.. تصور بقى أد ايه التحيط اللي هاعمله فى سلطاتي.. يبقى لازم يتشال يبقى يتشال أحسن.

عامر: سلطة المجلس.

محي الدين: وأنا متصور إن المجلس التنفيذى بيقرر يقترح رفت أى موظف مهما بلغ مستواه.

صبرى: بيروح مجلس الدولة ويقول لك: رجعه لمطرحه!

محي الدين: لأ.

صبرى: بيحصل!

طراف: مجلس الدولة ايه؟!

صبرى: بيحكم بإرجاعه.

طراف: لا.. لا.. لا.. لا.. لا.. بيحكم له بالتعويض.

صبرى: لما بيرجع بيروح ماسك الدوسيه بتاعه ويقول لك: الدوسيه بتاعه جيد جيد.. يرجع مطرحه.

سرى للغاية

طراف: ماهو أصله كمان ..

محي الدين: يعنى على هذا المستوى بتبقى سلطة تقديرية للأجهزة الادارية.

طراف: يبقى من غير محاكمة.

صبرى: يعنى أنا عاوز إن المجلس التنفيذى له سلطة لنفس الموظف ولو حتى فى الدرجات العليا؛ سلطة تقديرية لأنه مش معقول! لأنه عارفين موضوع حسين عزيز.

طراف: ده قديم أوى.

صبرى: قالوا: لازم يرجع وكيل مرتين.

الشافعى: مرتين .. آه.

صبرى: طيب .. ده أعمل له ايه؟!

محي الدين: لكن هو حسين عزيز لم يعقب على شئ، يعنى هو استغنى عن خدماته.

صبرى: بس أنا ماقدرش أروح مجلس الدولة وأقول: ليه استغنى عن خدماته.

الشافعى: لا.. علشان مستندات الخارجية والجيش وحاجات تانية.. مش معقول يعنى!

صبرى: واخذ حكم، طيب ده إحنا أفشنا تقرير هام من سفارة.. هاروح أقول لهم؟!

الشرباصى: بتروح بصفة سرية محكمة لرئيس مجلس الدولة ويرجعها زى ما كانت! يعنى مايزيعهاش ولا ينشرها.

سرى للغاىة

- عبد الناصر: ازأى ىرآع بدون مجلس الدولة ما ىرآعهم؟
- صبرى: بىصدر قرار جمهورى وىطلع من مجلس الدولة حكم.
- السادات: دى عاىزة من درجة أولى ومدرىن عموم ووكلاء وزارات.
- طراف: لا.. ده الموضوع قدىم ىعنى موجود من زمان. أظن دلوقتى لابد إن نائب العموم إنه ىوافق على تنفيذ الحكم.
- الشرباصى: آه.. آه.. صح الكلام ده.
- طراف: انما هى ىجب الحقىة لما ىكون حق نهائى فى عودة الموظفىن الكبار من غير رجوع لمجلس الدولة؛ علشان ىحسوا إنهم..
- الشافعى: هو كل ما الشخص ىعنى بىؤمن أكثر من اللازم ىعنى بتكون النتىجة..
- صبرى: ىعنى النهارده ده الوضع ىعنى لما بىكون مؤمن ١٠٠٪.
- الشرباصى: طب ما هو أنا برضه الشكوى بتاعة رؤساء المصالح النهارده بىقولوا لك ايه؟ إن احنا دلوقتى كان زمان بنوقع العقوبة وبنعمل كل حاجة، دلوقتى أى عقوبة تىجى شكوى للنىابة الادارىة.
- صبرى: بس ما حصلش إن حد انفصل.
- الشرباصى: لا.. حصل.. أنا ما باقولش انفصل أنا باقول: إن احنا النهارده هنقول عن رنىس المصلحة إنه مسؤول عن كل تقصىر عنده، الراجل اللى بىقى مقصر وىبقى عمله مش تمام لازم أشىله.

سرى للغاية

دلوقتى مالهوش سلطات.. سلطاته على الناس اللي تحت منه محدودة؛ لأنه دلوقتى يقول لك: مقيد بكذا، ولازم حتى لما يوقع عليه عقوبة بتحقيق يروح شكوى للنياية الادارية، وبعدين تبيجى النياية الادارية تقعد تسأل وتجيبه، وبعدين يقول: لا والله!

حسين: ولا يقدر يكتب له تقرير سرى واحد!

الشرباصى: أبدا.

حسين: ولا يقدر ينقله.. عملية مش معقول يبقى..

صبرى: موظف ما يخافش من رئيسه؟ مش معقول!

الشرباصى: والله فيه كلمة واحدة عايز أقولها..

عامر: أنا لازلت عند رأيى إننا نكون لجنة تنظيمية بتخش كل وزارة.. لجنة خاصة.

الشرباصى: فيه بعض المحافظات فاضين رسوم على القطن والرز.

عبد الناصر: فاضين ايه؟

الشرباصى: فاضين ضرائب على القطن على قنطار القطن كذا، وعلى ضريبة الرز كذا.

البغدادى: الادارة المحلية؟

الشرباصى: آه.

سرى للغاية

البغدادى: يعنى ٤ مليون جنيه.

الشرباصى: لا.. يعنى بيفرضوا كل سنة على القطن والرز، وماحدثش بيع القطن ولا الرز إلا أما يديهم.

صبرى: يعنى هو بيقول: إنه فيه يعنى فى حدود ٣٪ هو المحافظة.. هو مجلس المحافظة اللي بيقترح.

الشرباصى: آجى أنا على القطن والرز وأعمل ضريبة؟! يعنى بييجى واحد يقول لى عن ضريبة الرز ٢٥ وعن ضريبة.. طب ما أنا أعمل ضريبة انتاج وأوزعها أحسن هتجيب بيان.. معروفة؛ لأنه واحد بيقلت والتانى مايفلتش منها.. ضريبة يبقى بقانون من الدولة.

حسين: هيتحملها المستهلك على طول.

صبرى: ماهو هيتحملها فى الواقع، المفروض إنها على المحالج.

الشرباصى: تفرض ضريبة على الرز، وتروح تقول لى رخص شوال الكيماوى ٥ - ١٠ صاغ علشان أساعده، وبعدين يروحوا ياخدوا على قنطار القطن كذا.

عبد الناصر: موضوع قانون الادارة المحلية اذا كان يسمح..

الشافعى: إنهم يحصلوا ويفرضوا رسوم ١٥٪.

عبد الناصر: الحاجات اللي هتقدر تفرض رسوم محلية..

الشافعى: لحد ١٥٪.

صبرى: لا.. لا..

سرى للغاية

الشافعى: ١٠٪ من الضريبة الأصلية.

صبرى: على المحاصيل التصديرية.

الشرباصى: على المحاصيل يسمح له القانون بهذا؟

صبرى: على المحاصيل وعلى المحالج.

الشافعى: فى حدود ٣٪ .. آه.

عبد الناصر: وعلى السكر .. يعنى حاجات كثيرة.

الشافعى: آه.

صبرى: وبعدين دى عملت .. لأن فيه تفرقة يعنى فى محافظة فيه محافظة فرضت وفيه محافظة جنبها ما فرضت .. مجلس المحافظة ما وافقش لأنه بيشرط موافقة مجلس المحافظة.

الشافعى: آه.

صبرى: فعاملة تفرقة.

الشافعى: هو كان فى مثل هذه المسائل كان القانون الأسمى بيرجع فيها الى اللجنة المركزية؛ بحيث إن هذه المسائل تلاحظ.

صبرى: آه .. ما هو كمال طلع قرار بصفته كان متولى سلطات هيئة اللجنة المركزية، طلع فعلا قرار بهذا.

الشافعى: على أساس إنها ماتتخدش على النطاق المحلى وتعمل ردود فعل مش سليمة.

عبد الناصر: نناقش الموضوع الثالث.

محي الدين: هو الموضوع متصل باختصاص اللجنة فى التنظيم والرقابة.. طبعا كانت تحدثت المذكرة عن التعليم، إنا بعدها طبعا أعدنا دراستها وجمعنا شوية معلومات.. جمعنا لوضع خطة العمل على ضوء مفهوم الاختصاص المكلفة بيها اللجنة من المجلس. وباختصار.. الاختصاص بيتصل بالتخطيط والبحوث والدراسة فى مجال التنظيم والرقابة، ووجهت ملاحظات معينة ملخصها النقاط الآتية:

إن مفهوم هذا الاختصاص بالنسبة للتنظيم لابد وأن يشمل المجتمع كله، وذلك من وجهة نظر السلطة التنفيذية - مالناش دعوة بالسلطة الشعبية - لأنه الكيان الإدارى والفنى فى المجتمع بيعتبر وحدة متكاملة خصوصا فى نظام كمنظما الاشتراكى، يؤثر بعضهم فى البعض مما يقتضى التنسيق والربط وتحديد المسؤوليات. ولذلك فإن مجال عمل اللجنة يمتد الى الجهاز الإدارى فى الدولة على المستوى المركزى والاقليمى، بما فى ذلك وحدات التخطيط والاشراف والرقابة وكذلك وحدات التنفيذ.

كذلك يمتد اختصاص اللجنة الى اقتراح التنظيم فى القطاع العام بمؤسساته ووحداته المكونة له.

بنحاول نحدد المبدأ اللى هتصل اللجنة فيه فى عملها.

النقطة الثانية: أنه لا يمكن فصل التنظيم عن شؤون الأفراد أو القائمين بالعمل فيها، بما فى ذلك طرق التعيين والتربية والتدريب لرفع المستوى؛ حتى يمكن تحقيق الأهداف المنوطة بهذه اللجنة. يعنى مافيش فائدة من عمل تنظيم ولوائح واختصاصات، والناس القائمين على العمل فى هذه الأجهزة يعنى غير أكفاء للقيام بمسؤولياتهم؛ فلازم نخش برضه فى مسألة الأفراد.

فى مجتمعنا الاشتراكى الجهاز الإدارى فى الحكومة وفى القطاع العام بيتمتع الجانب الأكبر من الموارد البشرية؛ ده فى نشاط القطاع العام والحكومة ممتد الى أكثر من ٨٠٪ من النشاط العام. ولذلك بنبنى على هذا، بنرى لسهولة الربط والتوحيد باختصاص هذه اللجنة فى التعبئة المدنية وشؤون الأفراد فى المجتمع. ودى نقطة واردة فعلا فى المذكرة الأصلية اللى وردت الينا، والتي تكون جزءا من الخطة العامة للدولة، وذلك من ناحية الدراسة والمتابعة.

سرى للغاية

فيه جزء من الخطة.. يعنى خطة فيها ناحية اقتصادية وناحية الخدمات، وبعدين فيه خطة للأفراد.. للقوى العاملة للقوى البشرية. فأحنا هنا اقترحنا إنه اللجنة تكون متصلة بهذا الموضوع، باعتبارها إنها هتشف النواحي الخاصة بشؤون الأفراد المتصلة بالأجهزة الادارية بالقطاع الحكومى والقطاع العام.

خطة الاصلاح للجهاز الادارى بتشمل الخطوات الآتية:

تنظيم العلاقة بين الأجهزة الشعبية والأجهزة الادارية بما يمكن الأجهزة الشعبية من الاشراف والتوجيه والرقابة، مع دراسة الوسائل الكفيلة بحماية الأجهزة من عوامل الافساد والانتهازية. لازم ننظم علاقة بين الاتنين التنظيم الشامل للجهاز الادارى كوحدة منسقة قادرة على تحقيق أهدافه؛ التنظيم ده بيضم تقسيم الجهاز الى وحدات وأعمال ومسؤولياته ومستويات ووصف للوظائف ونظام للرقابة.

حاجة تانية: طرق أداء العمل وتبسيط الاجراءات بالنسبة لنظام الروتين الموجود. شؤون الأفراد.. بيخش فى هذا الاختيار والتدريب ونظم التوظف والمرتبات. خطة التنظيم دى تحتاج الى دراسات وأبحاث مستمرة، ثم وضع اطار عام لهذه الخطة، ثم التنفيذ ومتابعة تنفيذ الخطة.

يعنى الفكرة إنه هنوصل فى الأول نتيجة الدراسة الى خطة مبدئية، وبعدين هذه الخطة بتعرض على المجلس التنفيذى ومجلس الرئاسة وبتنزل للتنفيذ. وبعدين برضه هذا الجهاز بيتابع تنفيذ هذه الخطة، ويتأكد إن كل عنصر فيها اتنفذ.

ببقى فى هذه العملية لجنة التنظيم والجهاز الادارى الللى شكلت فى أكتوبر سنة ٦١، اللجنة دى أنا اتصلت بيها وأمكنتى أحصل على معلومات عن الللى حقتته. فهى مضت سنة من أكتوبر لأكتوبر فى أبحاث ودراسات وقامت الحقيقة بمجهود كبير أوى فى هذه الناحية، وده كله تمهيد لوضع اطار لخطة الاصلاح.

اللجنة استشارية ومكونة من عدد من الأعضاء غير المتفرغين، وبيتبعها مكتب فنى أو تنفيذى أيضا غير متفرغ. وبعدين وجب انشاء جهاز فنى، وخذوا اعتماد فى الميزانية الللى فانتت بحوالى ٢٨ أو ٣٨ ألف جنيه، ابتدوا يعملوا نواة لجهاز دائم لشعورهم بأن عدم التفرغ ده كان عقبة فى سبيل التقدم والتطور فى هذه الناحية.

اللجنة دى ماشية على أساس إن فيه اللجنة والجهاز المركزى الللى بينشأوا فيه، وبعدين فيه لجنة لتنظيم الوزارات ببيأسها مجلس الوزراء. ويتبع كل لجنة من هذه اللجان وحدة تنظيم باينة. دى فعلا الأداة الفعالة لمباشرة الاصلاح فى داخل الوزارة، وبدونها الجهاز ده كله ميقدش هيشغل؛ لأنها عندها المعلومات الكاملة، والللى هتمد الجهاز المركزى بكل التفاصيل اللازمة لوضع الخطة ومتابعتها.

سرى للغاية

فهذه الوحدة بنقوم بخطة الاصلاح الادارى فى الوزارات، وببشترك مع كل وحدة تنظيم لكل وزارة ضابط اتصال من اللجنة، واختير ضباط اتصال من ناس متخصصين شوية، وجدوا إن الناس دول أكثرهم من ديوان الموظفين.

تتعاون اللجنة فى تحقيق أهدافها مع ديوان الموظفين بالذات فى ادارة الديوان اسمه "ادارة التنظيم وترتيب الوظائف"، وتتعاون أيضا مع معاهد التدريب؛ كمعهد الادارة العامة لشان تدريب الأفراد، ومعهد الادارة العليا اللى بيدرب الناس بتوع القطاع العام.

وفى أثناء الدراسة لوضع الخطة فى داخل اللجنة اختلف رأى بالنسبة للطريق اللى تسلكه اللجنة فى خطة الاصلاح الادارى؛ كان فيه رأى بينادى بالاصلاح الشامل فى كل نواحى الجهاز الادارى، بما فى ذلك تأهيل الأفراد وتدريبهم، وتحديد عمل لكل وظيفة والمسؤوليات والمستويات الاشرافية.

رأى آخر يرى التركيز على الموضوعات الهامة؛ كقانون التوظف واللوائح المالية واجراءات الرقابة وتبسيط الاجراءات وتنظيم الوحدات الأساسية فى كل وزارة، وعمل chart لها، تعديل المرتبات والأجور؛ وده دون الحاجة الى النزول الى مستوى الوحدات الادارية، وأن يأتى الاصلاح من خارج الوحدة. وكانوا مستندين فى هذا الى إن اشراك الوحدات - اللى هو يعنى الوزارات - سيؤدى الى اقتراحات متأثرة بالمصالح الفردية والطائفية التى تهدف الى زيادة الموظفين والمرتبات والعلاوات؛ وده حصل فعلا.. أما ابتدوا يتكلموا فى قانون الموظفين ابتدت الوزارات تهتم جدا، ولما ابتدوا يطلبوا تحديد للوظائف الاشرافية لكل وزارة، واللى هيترب عليها أن كل وظيفة من دول ياخدوا علاوة معينة مش عارف ٢٠% ولا ٣٠%، قامت الوزارات ابتدت تعمل chart جديدة لتنظيمها بما يحقق زيادة هذه الوظائف الاشرافية. وكانت حجتهم أيضا فى هذا - الناس اللى بينادوا بسرعة وإن احنا نركز على نقط رئيسية - إنه الخبراء المتخصصين فى التنظيم قليلين فمافيش داعى إن احنا نتوسع فى العملية. ولكن المجموعتين متفقين على أنه اذا كانت الخطة ممكن أن توضع فى بضعة شهور، فإن تنفيذها يحتاج الى سنوات عديدة باعتبارها عملية مستمرة.. الاصلاح مالوش حدود، هتوضع خطة وهتنتزل للتنفيذ وبعدين هتيجى أفكار جديدة.

لما رحنا للداخلية بسطت الاجراءات فى الجوازات مثلا من ٢١ مرحلة الى ١٤ مرحلة، من سنة فاتت نزلناهم مثلا ل ٧ مراحل.. فالعملية يعنى عملية مستمرة.

سرى للغاية

ومن النقطة دي بنخرج بأنه فيه حاجة ضرورية الى انشاء جهاز فنى مركزى دائم موحد.. موحد بمعنى إنه ماتقومش عدة أجهزة بهذه العملية منعا للتعطيل - ودى هاذكرها بعدين - وأن هذا الجهاز لازم يكون متفرغ، يعنى ماتتفعش لجنة غير متفرغة من أسبوع لأسبوع أو من شهر لشهر، والغرض من هذا الجهاز تحقيق خطة الاصلاح الادارى ويكون اتصال هذا الجهاز، وهو طبعا جهاز استشارى يعنى هو بيعرض خطته على الأجهزة القيادية فى الدولة وهى تنفذها.

ويكون هذا الاتصال فى أعلى مستوى؛ حتى يستمد القوة الكافية لتنفيذ كافة الاصلاحات.

عبد الناصر: ايه الصعوبات اللى واجهوها السنة اللى فاتت؟

محي الدين: هم طبعا وجدوا صعوبات السنة اللى فاتت، وأنا باتصالى بالناس اللى بيقوموا بهذه العملية أبدا لى هذه الصعوبات:

أول صعوبة: إن وجدوا إن كثير من المستويات القيادية فى الجهاز الادارى ما عندهم الايمان الكافى بالأسلوب العلمى للاصلاح الادارى، وما يترتب على هذا من سلبية فى التعامل. غير مؤمن بالفكرة وبالاصلاح ده، وماخدوش تجارب من الموظفين القيايين فى الوزارة بالفكرة والاصلاح، وما يترتب على هذا من سلبية فى التعامل لوضع خطة. وزى ماقلت: هم اهتموا جدا بقانون الموظفين لما ابتدت بدراسته، وبعدين هبطوا تانى باعتبار إن القانون كان سيحسن لهم المستويات والمرتببات.

وبيروا إن قانون الموظفين ده بيمثل جانب صغير من الاصلاح الادارى ففيه جوانب كثيرة أوى غيره. شعروا أيضا بعدم وجود جهاز مركزى دائم للتنظيم والاصلاح الادارى، وقالوا: ضرورة وضع اختصاص تشريعى يحدد علاقتهم بالجهاز الحكومى.

نقص الأفراد المتخصصين للنهوض بالاصلاح الادارى، ويعتبروا إن دى أهم فى المشكلات اللى بنقابلهم، وبيحتاج حلها الى خطة طويلة وخطوات ايجابية لتوفير وتدريب هؤلاء الأفراد؛ وعلشان كده بيطلبوا إن الجهاز يمنح تفويض اختيار العناصر من الوزارات والهيئات.

وبعدين بيشتكوا من سلبية ديوان الموظفين؛ لشعور الديوان بأنه كان الأحق بالقيام بخطة الاصلاح من اللجنة المركزية. وانعكاس هذا الشعور على موظفى الديوان - زى ماقلت أنا - يعنى كان فيه بعض ضباط اتصال داخل وحدات التنظيم فى الوزارات، والضباط دول مثلا يعنى أنا كنت فى وزارة الداخلية بتابع العملية دى باستمرار، وكانوا

سرى للغاية

بيقولوا لى: إن ضابط الاتصال مكانش بيجى، بس يثبت وجوده علشان بياخدوا علاوات معينة، برغم إن هو المتخصص فى هذا!

وبعدين عدم تفرغ القائمين على شؤون التنظيم مما يؤدي الى ضياع الوقت، ولا شك أن طول المدة دون ظهور أى نتائج ملموسة فى الإصلاح بعد تشكيل مثل هذا الجهاز، ييضعف الثقة بجهاز الإصلاح نفسه؛ فلازم يحصل اصلاحات مستمرة علشان الناس تشعر بالعملية. ويشجع على استمرار هذا الوضع - طول المدة - ما يحصل عليه هؤلاء من مزايا مغرية تصل فى بعض الأحيان الى ١٠٠ جنيه شهريا؛ مما أدى الى تمسك هؤلاء الأشخاص بالأوضاع القائمة.

أنا باتكلم فى نقطة عدم التفرغ، وإنه بتقوم بحوث لكن بدون عملية المتابعة اللي هى العملية الصعبة الشاقة اللي بتخش فيها فى مجاهل الوزارات وبتحاول إنك إنت تعرف المعلومات. يعنى فيه عدد كبير من المكاتبات مايبين الوحدات، علشان يشوف عدد الموظفين اللازمين للقيام بالعمل فى الوحدة، كانت عملية فى منتهى الصعوبة. بالاضافة الى هذا نتج عن عدم اماكن احكام الرقابة والخلاف المستمر بين الأجهزة المشرفة على أعمال التنظيم فى الوزارات؛ أن فتر انتاج الوحدات المحلية، وفيها من توقف نهائيا عن العمل، خصوصا بعد ما اتأكد قانون الموظفين.

أنا هخرج من النقاط دي كلها بثلاث نقاط:

ضرورة انشاء جهاز مركزى موحد متفرغ فى الدولة لوضع خطة الإصلاح الادارى ومتابعته.

وزى ما قال برضه الأخ عبد الحكيم: يكون هذا الجهاز الاستشارى متصل بالقيادة العليا فى الدولة؛ حتى يمنح من الصلاحيات لوضع خطة الإصلاح ومتابعة تنفيذها. والنقطة الثالثة: هذا الجهاز له صفة الدوام لسنوات قادمة.

إحنا اتناقشنا طبعا فى الكلام ده كله فى اللجنة، وبنعرض على المجلس الموضوع الآتى:

وهو موقف لجنة الإصلاح الادارى اللي شكلت فى أكتوبر سنة ١٩٦١. وباعتبار أن هذه اللجنة فعلا مسؤولة عن التنظيم الادارى وبتباشر هذا العمل، مش بس فى الأداة الحكومية أيضا بتباشر دراستها فى شغلها. وفى حالة استمرار هذه اللجنة بيبقى فيه ازدواج بين عمل اللجنة الجديدة المنبثقة من هذا المجلس وبين اللجنة القائمة.

رفعت: متى شكلت؟

سرى للغاية

محي الدين: أعلنها الرئيس في أكتوبر في اللجنة التحضيرية.

طراف: هل صدرت هذه اللجنة بقرار جمهوري؟

صوت: لا.. بتكليف.

محي الدين: بس اللي عايز أقوله: إن اذا كانت اللجنة دي مستمرة في العمل يبقى اختصاص اللجنة بالنسبة للتنظيم والرقابة محتاج الى اعادة نظر. واذا استمرت في العمل تبقى لجنة الرياسة خاصة بالتنظيم. اذا روى أن هذا الاختصاص يأتي للجنة التنظيم والرقابة يبقى إحنا متقدمين ضمن الاقتراحات اللي قلناها دلوقتي؛ وهو اعادة التنظيم وانشاء جهاز مركزي مش لجنة جهاز مركزي دائم لمباشرة هذه العملية التفصيلية في كل وزارة.. في كل وحدة.. في كل هيئة.

وأنا لي طبعا اذا روى إن احنا نباشر العملية.. لي اقتراحات في اعادة التنظيم في هذه اللجنة بالذات. وأنا في رأيي اذا أخذ بهذا الرأي إن الجهاز يبقى جهاز دايم، وموظفين مهتمين بالعملية ماهماش غير متفرغين. وبعدين الربط يتم في داخل هذا الجهاز عن طريق لجان استشارية، والغير متفرغين دول - اللي هم يبشرفوا على العملية من فوق - هنخليهم تبع رئيس الجهاز المركزي ده، ببيجوا يقعدوا يجتمعوا كل شهر كأجهزة استشارية؛ علشان الربط بين الأجهزة المختلفة.. بس هو ده التعديل اللي احنا بنفكر فيه.

طراف: فيما يختص بتكوين الجهاز، في الواقع أنا شايف إن ديوان الموظفين هذا من صميم اختصاصه، كونه مايبديش هذه الرسالة يبقى فيه خلل في الديوان نفسه زي الكلام اللي قلناه على ديوان المحاسبة. يعني لو أن ديوان الموظفين نفسه أعطى هذا الاختصاص واتوسعت اختصاصاته الحالية، ودعم بناس كويسين ونجيب ناس متفرغين أو غير متفرغين؛ أعتقد إن هو ده يبقى الجهاز اللي يستطيع أن يؤدي هذه الرسالة بدل من انشاء جهاز جديد.

سرى للغاية

حسين: المفروض داخل الوزارات يكون عندهم تنظيم، وبعدين هو ليه تنظيم تانى؟!!

محي الدين: هو رأى الدكتور طراف له وجاهته طبعاً، لكن لو كان ديوان الموظفين قادر على هذه العملية مكانش الرئيس اقترح فى أكتوبر الماضى أن نكون جهاز جديد خالص fresh.. ناس جايين بروح جديدة، ومتصلين بأعلى سلطة فى الدولة علشان يقدرُوا يقوموا بهذا العمل.

طراف: ما هو أصل يا أخ زكريا..

محي الدين: كمعلوماتى أنا النهاره ديوان الموظفين – وإحنا شوفنا الناس بتوعه شكلهم ايه – ممكن ديوان الموظفين يكلف بهذا العملية ممكن.

طراف: أنا باقول: الناس الكويسين دول اللى احنا هنعمل بهم جهاز.

محي الدين: وأنا من ضمن اقتراحاتى مثلاً اللى هتقدم بيها، أنى أضم فيه أجهزة فى ديوان الموظفين.. تتضمن الى هذا الجهاز المركزى وتباشر العملية علشان ما يحصلش ازدواج؛ لأنهم عندهم ادارة اسمها ادارة التنظيم.

طراف: ده اللى أنا باقوله، كون ديوان الموظفين نفسه من يوم ما أنشئ اختصاصه هذا..

محي الدين: ما أنا عارف.

طراف: كونه فشل فى التطبيق بقى فالأشخاص وحشين، والأشخاص الكويسين حطهم فى ديوان الموظفين، وبعدين هيبقى فيه ازدواجية كون بتبقى فيه هيئة بتباشر نفس الاختصاصات!

محي الدين: وبعدين هيبقى فيه لجنة قوى عاملة، هتشفو احتياجاتنا أد ايه وعايزين أد ايه؟

صبرى: آه.

سرى للغاية

محي الدين: ولجنة أخرى للتدريب وشؤون الأفراد..

رفعت: هو نقطة أخرى للتوضيح، هل لجنة شؤون الأفراد المقصود بها قوة العمل نفسها، اللي هي عنصر من عناصر الانتاج ولأ حاجة ثانية؟

محي الدين: هو في الخطة، فيه خطة انتاجية وخطة خدمات، وفيه من ضمن الخطة جهاز تخطيط.. جهاز لقياس القوة البشرية اللي بنحتاج لها في الخطة واللى موجود منها النهارده أد ايه على المستويات المختلفة؛ من أول المهندس أبو ياقبة بيضاء لغاية العامل أبو ياقبة زرقاء في كل القطاعات. يعنى المفروض إن يحصر بالضبط ايه اللي موجود، وبعدين احتياجات الخطة في العشر سنوات القادمة أد ايه. وبعدين بيتقدم للأجهزة اللي يمكن أن توفر هذه الاحتياجات.. أجهزة ايه؟ أجهزة التدريب وأجهزة التعليم، ويقول لهم: إحنا محتاجين في خلال هذه الفترة ١٠٠ ألف مهندس، وتخصصاتهم ووصفهم كذا، ويوصفهم يعنى بالنسبة للعمل اللي هيقوموا به.

رفعت: أنا بسأل عن عمل اللجنة.

الشافعى: هي جزء لانجاح الخطة.

محي الدين: الجهاز اللي كان قائم على هذه العملية في التخطيط مكانش قادر، الواضح إنه مكانش قادر فاتعملت لجنة وأعطى لها تخصص وقوة وأفراد علشان تقوم بهذا الحصر، وكان على رأس هذه اللجنة عبد المجيد العبد، وفعلا باشر هذه العملية مع وجود صعوبات كبيرة جدا. وأنا قعدت معاه وشوفته وكلام إنه واجهته صعوبات كثيرة جدا، ولكن هي في سبيلها للانتهاء من هذا الحصر في خلال فترة بسيطة. أنا عايز أقول: إن هذا الجزء من الخطة - سواء اللي باشره هذه اللجنة أو جهاز التخطيط - عايز أنا اللجنة دي اللي منبثقة من مجلس الرئاسة هي اللي تكون متصلة بالجهاز، وتتابعه وتتابع تنفيذه، وتتأكد أن عملية بناء القوة العاملة أو القوة البشرية اللازمة للخطة واللازمة للمجتمع ماشية زى ما المتابعة بنتم في الانتاج وفي الخدمات. فإحنا بنطلب أو بنرجح حس الاختصاص اللي جاى في المذكرة اللي فانت إنه هذه اللجنة تتابع عملية القوة البشرية.

سرى للغاية

رفعت: أنا اللي أفهمه إن المفروض إن اللجنة مش عملية احصائية بس، بل عملية تعبئة للقوة العاملة لخدمة الخطة.

محي الدين: أهداف معينة.

رفعت: خدمة الخطة.

محي الدين: أيوه صح.. صح.

رفعت: وقد يدخل في هذا التدريب ومشاريع عشان القضاء على البطالة.. فهو ده.

الشافعي: تدبير الموارد لضمان نجاح الخطة يعنى.

حسين: لما تيجي لنا الخطة فى القوى العاملة هي جزء مكمل لعملية التنمية، فهو المفروض يطلع مع الخطة وبعدين بتتابع وبتيجي للجنة هنا؛ فهي عملية تنفيذية لأنه مكانش فيه أجهزة بتقوم بهذا، فيكون جهاز متفرغ.. يكون له ضباط من القوات المسلحة وبعض الأفراد المختصين من الوزارات المختصة، وبعد ذلك تضع اللجنة خطة وتعرض على مجلس الرياسة وبعد ذلك تنزل للتنفيذ.

صبرى: وبرضه أرى أنه يكون من ضمن أعمال اللجنة تقترح مشاريع على ضوء القوى العاملة.

الشافعي: التشغيل الكامل يعنى مثلا.

محي الدين: هو المفروض إن القوة البشرية هي اللي بتوفر العمالة للخطة بالكامل، اللي عايز أقوله في موضوع القوة البشرية بالذات: إن هي توفر احتياجات الخطة، وتشوف الموجود أد ايه ثم توفر هذه الاحتياجات المطلوبة.

سرى للغاية

الشافعى: هو الأساس فى هذا الموضوع - زى ما بيسموها - ميزانية القوى العاملة، ميزانية زى الموارد بالضبط.. الموارد المالية اللى بتسد طلبات الخطة. المفروض للقوى العاملة إن بتعمل ميزانية للقوى العاملة، ويحدد فيها الموارد ويحدد فيها الاحتياجات بناء على الاحتياجات المختلفة للمشروعات اللى الخطة بتعملها. وبعدين المفروض التدبير لهذه الاحتياجات بتتطلب اجراءات من شأنها التدخل فى سياسات التعليم وفى سياسات التدريب و.. و.. الخ؛ بحيث إن هذه القوة العاملة بالاختصاصات المختلفة يمكن إنها تتدبر، وبهذا القوة جاهزة للتنفيذ من غير ميزانية القوة العاملة مايمكنش إن الخطة تنفذ.

معى الدين: متهيألى إنت معايا يا على ازاى نوفر عمل لكل فرد.

صوت: بالتشغيل الكامل.

معى الدين: ده موضوع تانى.

صبرى: التشغيل الكامل ده بقى بيخش فى أهداف الخطة.

رفعت: المفروض إن الخطة لا تطبع إلا بعد جهاز العمل هو اللى بيقول: أنا عايز أشغل كذا عامل، تقوم الخطة توضع بناء على هذا.

معى الدين: هو طبعا الخطة العشرية اتوضعت على هذا الأساس أساسا.

رفعت: آه.

صوت: هذا الموضوع تم حسابه.

سرى للغاية

الشافعى: بس الحساب ماجاش تفصيلى بالنسبة للتخصصات الفنية جه شامل؛ يعنى قالوا: إن ٨٣٢ ألف اللي ببيجوا فى الخمس سنين بيبقوا طالبين عمل، فأحنا لو جينا ٨٣٢ ألف عمالة معناها نظريا هنغطى العدد المطلوب، فجه ١,٠٢٦,٠٠٠ ألف فرصة عمل فى الخطة. ده من ناحية العدد، ولكن من ناحية التخصصات الفنية مش موجود؛ ولذلك تبص تلاقى العدد من الناحية النظرية يمكن يحل المشكلة، لكن من الناحية الواقعية مايحطاش لأن التخصصات مش محسوبة.

معى الدين: اتناقشنا فى الجزء التانى اللي هو الرقابة، وقلنا تفسير نقطة الرقابة، قلنا: إن الرقابة شئ والمتابعة شئ آخر؛ فالمتابعة هى التأكد من تنفيذ خطة ما، أما الرقابة فتتجه الى تتبع سير العمل الادارى، وكشف أى خطأ أو انحراف سواء فى الناحية الادارية أو الفنية أو المالية. ومن تحليل هذه الأخطاء، يمكن اقتراح حلول لاصلاح الأجهزة الادارية أو اللوائح؛ ومن هنا نقدر نشوف إن موضوع الرقابة ده هيساعد كثير موضوع تنظيم الأداة الحكومية، ويساعد أيضا فى تقييم لقدرة المستويات القيادية.

بمعنى إن اذا وجدنا فى التقييم إنه فيه خلل فى وحدة ما فرعية فى أى ادارة إحنا بنبنه وبنقول: إن فيه قصور فى مستوى الكفاءة العامة لهذا الجهاز؛ ناتج عن ضعف مدير هذه المصلحة أو مدير هذه الادارة، وبنقترح - علشان مكانش فيه وضوح فى المذكرة اللي اتوزعت - أن تكلف لجنتي الاصلاح والخدمات لمتابعة خطتى الانتاج والخدمات؛ يعنى هم اللي بيدرسوا الناحية الفنية هم أقدر على متابعتها.

وأن تكلف لجنة التنظيم والرقابة بمتابعة خطة التعبئة المدنية للأفراد لاتصالها الوثيق بعملها. أما من ناحية الرقابة نرى أن ينشأ مكتب فنى لتلقى التقارير الدورية؛ يعنى مش هنعمل أجهزة للرقابة.. يعنى يبقى فيه مكتب تانى فيه واحد أو اثنين يتلقوا التقارير الدورية من أجهزة الرقابة فى الدولة؛ سواء ديوان الموظفين أو المحاسبة وتحليلها واقتراح حلول الاصلاح.

تتبقى نقطة واحدة وهى موضوع وجود مكتب للشكاوى، وإن هذا المكتب على اتصال وثيق باللجنة أكثر من أى لجنة أخرى، وإن مكانش يتحط فى شعبة التنظيم وكافة الأجهزة الفنية والرقابية، يبقى له شعبه لوحده تخدم جميع الشعب الأخرى.

عبد الناصر: هو دلوقتى ملحق على لجنة..

سرى للغاية

الشافعى: متصلة.. يخدم على كل الناس.

معى الدين: وعلى طول الكلام ده إحنا عملنا تعديلات فى الاختصاصات الواردة فى المذكرة السابق توزيعها، واللى موجود فى صفحة ٥ فى لجنة التنظيم والمراقبة، واتوزعت قدامهم وقلنا بقى التعديل كالاتى: فحص البرامج والتقارير المقترحة للمتابعة، وتنظيم البنيان الادارى فى المجتمع ومراحل تنفيذه، ومراحل التنفيذ الرئيسية التى يرى المجلس انشاءها أو تعديلها أو الإبقاء عليها، وما يرى مجلس الرئاسة انشاء أو تنفيذ ما يخص الدولة من نواحيها ومجالاتها المختلفة والقطاع العام، ويحث سياسات التعبئة الميدانية ودخول الأفراد فى المجتمع، بما فى ذلك الجهاز الادارى وطبعا متابعة هذه السياسات، وفصل علاقات أجهزة التخطيط والمتابعة لأجهزة التنفيذ، ودراسة ما يقدم من تقارير دورية سواء فى مجالات الرقابة الفنية والادارية والمراقبة المحاسبية والمالية؛ للعرض على المجلس.

ده من ناحية الاختصاص، ومن ناحية تنظيم الشعب، فأحنا قلنا: إن الوحدات الفنية التى تعاون اللجنة فى أداء رسالتها، قلنا: اذا أنشأنا الجهاز المركزى للإصلاح الادارى فليس هناك داعى لعمل مكتب أو شعبة أخرى لهذا الموضوع؛ لأن هذا الجهاز هو اللى هيجى له هذه التقارير على طول. الوحدات الفنية التى تعاون اللجنة فى أداء رسالتها، باتكلم عن تنظيم الشعب، الشعب دى بتخدم مجلس الرئاسة والمجلس التنفيذى.

عبد الناصر: إنت عندك لجنة القوى العاملة ولجنة الادارة المحلية المفروض بقى إنت تتعاون معاها.

البغدادى: فيه أجهزة قائمة بالفعل.

معى الدين: لو فيه جهاز قائم وقادر أنشى لها جهاز تانى ليه؟ ولكن يجب أن تكون متصلة مباشرة باللجنة المركزية، أنا بقى باقتراح إن أنا لا أنشى شعب خاصة للتنظيم والرقابة.. جهاز آخر مماثل للجهاز المركزى.. هذه نقطة. يعنى هل ابندى أنشى جهاز مركزى وأنشى شعبة؟ فمافيش داعى لانشاء هذا المكتب مادام هنعمل الجهاز المركزى ده. إحنا هنجيب واحد يباشر عمله، وبعد كده ينشئه على مهله فى أسبوع فى سنة فى شهر، وهنتصل بهذا الشخص اللى هيقوم بهذه العملية لأنه أدرى بتفاصيل التنظيم.. ازاي هجيب له واحد تانى يدى له تقارير وبتاع طب ما أنا أديله مباشرة.. هى دى بس النقطة.

سرى للغاية

الموضوع فيه جهاز مركزى، هذا الجهاز المركزى هيكون مختص باصلاح خطة الاصلاح الادارى كلها، وهيكون متصل شؤون التنظيم وهيكون متصل بشؤون التدريب مع الادارة العليا ومع الادارة العامة. وبعدين أنا ماليش دخل بالفروع دى كلها، هنتصل بالقسم بتاع الجهاز المركزى الموجود إحنا كلجنة نستدعيه يجى يحضر معانا فى اللجنة يقدم لنا تقارير مباشرة، مافيش داعى أحط له مكتب آخر. هل هذه النقطة واضحة يعنى؟

الشافعى: لابد أن تكون الخزانة ممثلة فى هذا الجهاز.

معى الدين: آه.. طبعا. فدلوقتى بقى تنظيم الشعب هنتصل بالجهاز المركزى اللى هيشوف تنظيم الادارة المحلية، الحاجة الثانية اللى هنتصل بيها مكتب التعبئة المدنية اتصال مباشر.

صبرى: هو بس فيه ملاحظة صغيرة بند ٣، الاتنين تعرضوا لتقارير ديوان المحاسبة.. للتوضيح.

معى الدين: للتنظيم والادارة الرقابة المالية، ومن خلال ذلك يمكن أن تضع اللوائح والتشريعات التى تعدل فى اللوائح المالية.

السادات: يعنى هياخد صورة من تقرير الديوان، وكل لجنة هتاخذ صورة من تقرير الديوان.

صبرى: لجنة السياسة الخارجية، نؤجلها؟

عبد الناصر: آه.

طراف: بس هو فيه المذكرة اللى جاية من الأخ كمال معروضة فى اللجنة، ولكن المذكرة الخاصة بلجنة الخدمات ماشفنهاش إلا دلوقتى.